

74
6640
76





174  
6690  
76



五禮通考卷第一百

內廷供奉禮部右侍郎金匱秦蕙田編輯

翰林院編修嘉定錢大昕

李葆懌督纂有都史桐城方觀承同訂

直隸按察司副使元和宋宗元

參校

嘉禮七十三


觀象授時

禮記月令

疏案鄭目錄云名日月令者以其紀十二月政教之所行也本呂氏春秋十二月紀之首章也以禮家好事抄合之後人因題之名曰禮記言周公所作其中官名時多不合周法此于別錄屬明堂陰陽記此卷所出解者不同案呂氏春秋篇首皆有月令與此文同是一證也又周無太尉惟秦官乃有太尉此月令云乃命太尉是官名不合周法二證也又秦以十月建亥為歲首而月令云為來歲受朔日即是九月為歲終十月為受朔是時不合周法三證也又周有六冕郊天迎氣則用大裘乘玉輅建太常日月之章而月令服飾車旂並依時色是事不合周法四證也然案秦始皇十六年并天下以十月為歲首時不韋已死十五年不韋不得以十月為正又周書先有月令何得云不韋所造又秦并天下立郡何得云諸侯秦以好兵殺害毒被天下何能布德施惠春不興兵鄭必謂不韋作者不韋集諸儒所作為一代大典亦採擇善言遵立舊章但秦自不能依行何怪不韋所作也秦為水位其來已久秦文公獲黑龍以為水瑞何怪未平天下前不以十月為歲首乎

陸氏德明曰此是呂氏春秋十二月紀之首後人刪

五禮通考卷第一百 觀象授時



91-0753





合為此記蔡伯喈王肅云周公所作  
張子曰月令大率秦法然采三代之文而為之不無  
古意 月令儘有美意未易可破若春行賞秋行刑  
止舉大綱如此如云冬日則飲湯夏日則飲水豈曰  
冬日不得飲湯夏日不得飲水也

馬氏晞孟曰律象日月星辰敬授民時自堯以來未之有改也舜齊七政周用  
五紀其究一也蓋日月星辰之往來不窮進退相代終始相循天以是命萬物  
而人奉之為令亦因是也夏之政典先時與不及時其罪至于殺蓋欲百  
官萬民謹其令而順承之也月令一書亦後儒祖先王之餘而傳會成之  
高氏曰月令一篇大體與洪範相通初一日五行即月令金木水火土之運也  
次三日農用入政即月令之勸課農桑聚畜財貨祭祀神祇安養民居習合禮  
樂逐捕禽獸敬禮賓客簡練師徒之意也次四曰協用五紀即月令歲月日星  
辰歷數之事也次六曰又用三德即月令布德行惠戮有罪嚴斷刑以順天時  
者也次七曰明用稽疑即月令命大史贊龜筮占兆審卦吉凶是也次八曰念  
用庶徵即月令之風雨寒燠各以時若草木昆蟲各以時遂皆休徵也每時令  
錯行而有炎風暴雨大旱凶荒之類皆咎徵也次九曰嚮用五福即月令養衰  
老禮賢者行爵出祿必推所尊禮者也至于威用六極即時令失宜民多疾疫  
遷徙流亡之類是也若夫人君于二至之時盡齋戒之誠止聲色薄滋味節嗜  
慾定心氣則所以涵養此心一毫無累俾視聽言貌思之間有肅又哲謀聖之  
德而所謂五皇極者即月令每月之發政施令母有不當母有枉撓母有差貸  
母有阿黨舉歸于大中至正者皆是也然則合而論之謂之洪範散而舉之謂

之月令故月令所以著入六  
經垂訓萬世者其在斯乎  
蔡氏德晉曰周禮內宰上春詔王后帥六宮之人而生種稷之種而獻之于王  
龜人上春贊龜祭先卜筮人上春相筮牧師孟春焚牧大司馬仲春教振旅羅  
氏仲春羅春鳥獻鳩以養國老行羽物媒氏仲春令會男女籥章仲春書逆暑  
內宰仲春詔后帥內外命婦治蠶于北郊司權季春出火大司馬仲夏教芟舍  
山虞仲夏斬陰木大司樂夏日至于澤中方正祭地司裘仲秋獻良裘王乃行  
羽物籥章仲秋夜迎寒司裘季秋獻功裘以待頒賜司權季秋內火小司寇孟  
冬祀司民獻民數于王王拜受之大司馬仲冬教大閱大司樂冬日至于地上  
園丘祀天占夢季冬聘王夢獻吉夢于王王拜而受之乃令萌于四方以贈惡  
夢皆月令  
所未及

蕙田案周官為朝廷政治之典章藏于天府  
民間多未之見故孔子問禮必于柱下史官  
及漢滅秦蕭何收圖籍亦藏之秘閣至劉歆  
校書始得而上之不韋春秋祇集魯諸生所  
為宜其未及也

孟春之月日在營室昏參中旦尾中其日甲乙  
其帝太皞其神句芒其蟲鱗注象物字甲將  
解鱗龍蛇之屬其音角律中太

五禮重考卷三十三 觀象授時 二



族其數八

注木生數三成數八言八者舉其成數

其味酸其臭羶其祀戶祭先脾

東風解凍蟄蟲始振魚上冰獺祭魚鴻雁來

注皆記時候也夏小正正月啟

天子居青陽左个乘鸞路駕倉龍載青

旂衣青衣服倉玉食麥與羊其器疏以達

注皆所以順時氣也麥實有孚甲屬

是月也以立春先立春三日

大史謁之天子曰某日立春盛德在木天子乃齊立春

注皆所以順時氣也麥實有孚甲屬

之日天子親帥三公九卿諸侯大夫以迎春于東郊還

反賞公卿諸侯大夫于朝命相布德和令行慶施惠下

及兆民慶賜遂行母有不當乃命大史守典奉法司天

日月星辰之行宿離不貸母失經紀以初為常是月也

天子乃以元日祈穀于上帝乃擇元辰天子親載耒耜

措之于參保介之御閒帥三公九卿諸侯大夫躬耕帝

籍天子三推三公五推卿諸侯九推反執爵于大寢三

公九卿諸侯大夫皆御命曰勞酒是月也天氣下降地

氣上騰天地和同草木萌動

田舍東郊皆修封疆審端徑術

注此陽氣蒸達可耕之候也

王命布農事命

道民必躬親之田事既飭先定準直農乃不惑

注說所以命田舍東

是月也命樂正入學習舞乃修祭典命祀山林川澤

犧牲毋用牝

注為傷妊生之類

禁止伐木

注盛德所在

母覆巢母殺孩蟲

胎天飛鳥毋麇毋卵

注為傷萌幼之類

毋聚大眾毋置城郭

注為妨農之始

拚骼埋齒

我不起不可從我始母變天之道母絕地之理母亂人

之紀孟春行夏令則雨水不時草木蚤落國時有恐

行秋令則其民大疫焱風暴雨總至藜莠蓬蒿並

注乘之也

興行冬令則水潦為敗霜雪大摯首種不入

注乘之也

五豐道卷之三 觀象授時

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三

注乘之也

三



乘之也（疏從上以來論當月施令之事若施之順時則氣序調釋若施令失所則災害滋生故此論政失致災之事）

皇氏侃曰金木水火得土而成水數一得土數五故六火數二得土數五為成數七木數三得土數五為成數八金數四得土數五為成數九

陳氏祥道曰日以辰為子辰以日為母母為幹子為支月令言日而不言辰者以辰統于日故也古者祭祀必有配四時迎氣不可以無配也五帝以德五神功以

馬氏晞孟曰味生于形臭生于氣故形成而後有味氣化而後有臭春以陽中生木木成形而曲直曲直作酸故其味酸物以木化則其氣為羶秋以陰中生金金成形而從革從革作辛故其味辛物以金化則其氣為腥夏以陽極生火火成形而炎上炎上作苦故其味苦物以火化則其氣為焦冬以陰極生水水生土土成形而潤下作鹹故其味鹹物以水化則其氣為朽中央以陰陽之中氣時而分王焉故五味以甘為主五臭以香為主

方氏慤曰凍結于重陰之時東風益發散之氣也東風既解凍則物之藏于密者起而振潛于深者躍而上矣德令慶惠出于君而布和行施以下及者相也德主于宣利故曰布令貴于無乖故曰和慶則必致用故曰行惠則必有與故曰施慶主禮施主物度土而積謂之封界畫以守謂之疆封疆久則壞故曰修高曰邱平而可陵曰陵陂而不平曰阪水所行曰險廣平曰原下濕曰隰所宜若山林宜阜川澤宜藁所殖若黍宜高燥稌宜下濕教之使能其事道之使達其理十有二月之令行乎天地之間人君奉之以成位乎中也苟當此一月之中而行彼三時之令則是變天之道絕地之理亂人之紀矣故三者之災以類應焉何也氣之所召者然耳

蕙田案古人以啟蟄為正月之候雨水為二月之候夏小正正月啟蟄左傳啟蟄而郊月令孟春之月蟄蟲始振是啟蟄在正月其改啟蟄為驚蟄以漢初避景帝諱故也月令仲春之月始雨水是雨水在二月也鄭氏云漢始以驚蟄為正月中雨水為二月節正義云太初以後更改氣名以雨水為正月中驚蟄為二月節迄今不改案漢書載三統術正月驚蟄二月雨水與月令同而班固注云驚蟄今日曰雨水雨水今日曰驚蟄然則太初以後之術仍是先驚蟄後雨水至東漢行四分術乃更其先後耳易通卦驗周書時訓解淮南子天文訓俱先雨水後驚蟄緯書出於東漢時



訓一篇亦後人所託惟淮南子係武帝時書  
疑亦後人以時術追改之非淮南之舊也唐  
初傅仁均戊寅術李淳風麟德術用古法以  
啟蟄在雨水之前開元修大衍術復以雨水  
爲寅月中驚蟄爲卯月節至今因之周書所  
記七十二候於二月不取始雨水者既以雨  
水爲正月中氣則不得以紀二月之候故也  
又案孟春行夏令之類自當主人君政令失  
時而言蓋天人一理也天道錯而人事應君  
政失而天變應上下相通之機感移至速洪  
範之咎徵與月令所言其理如合符節或乃  
指此爲迂怪之說以爲天之時令錯行非人  
事之失慢矣

又案唐石經月令正月之節日在虛昏昴中  
曉心中斗建寅位之初正月中氣日在危昏  
畢中曉尾中斗建寅位之中改旦爲曉避睿  
宗諱也所記中星與此不同者蓋據當時測  
驗改之後皆放此唐本又有是月也命有  
司祭風師是月也命有司釁龜筮占兆審卦  
吉凶其移孟冬釁龜一條於此月則用鄭氏  
注也

淮南子東方木也其帝太皞其佐句芒執規而治春  
其神爲歲星其獸蒼龍孟春之月招搖指寅盛德  
在木東風解凍蟄蟲始振蘇魚上負冰獺祭魚候雁  
北服八風水爨其燧火東宮御女青色衣青彩鼓琴  
瑟其兵矛其畜羊朝於青陽左个以出春令布德施



惠行慶賞省徭賦立春之日天子親率三公九卿大夫以迎歲於東郊修除祠位幣禱鬼神犧牲用牡正月官司空其樹楊

蕙田案淮南時則訓與月令又多同今取其異者附于每月之後

至居明堂禮出十五里迎歲

易通卦驗立春雨水降條風至雉雒雞乳冰解正月

中猛風至獺祭魚倉庚鳴汜勝之農書土長冒櫛陳根可拔耕者急發

孝經鉤命訣先立春七日勅獄吏決詞訟有罪當入無罪當出立春勅門欄無扇鑰以迎春之精下弓戴楯鼓示時聲動昆蟲也

仲春之月日在奎昏弧中旦建星中其日甲乙其帝太

皞其神句芒其蟲鱗其音角律中夾鐘其數八其味酸

其臭羶其祀戶祭先脾始雨水桃始華倉庚鳴鷹化為

鳩注皆記時候也漢始以雨水為二月節天子居青陽大廟乘鸞路駕倉龍載青

旂衣青衣服倉玉食麥與羊其器疏以達是月也安萌

芽養幼少存諸孤注助生氣也擇元日命民社命有司省囹圄

去桎梏毋肆掠止獄訟注順陽竟也是月也元鳥至注元鳥燕也至之

日以太牢祠于高禘天子親往后妃帥九嬪御乃禮天

子所御帶以弓鞬授以弓矢于高禘之前是月也日夜

分雷乃發聲始電蟄蟲咸動啟戶始出注又記時候發猶出也先雷三

日奮木鐸以令兆民曰雷將發聲有不戒其容止者生

子不備必有凶災注主戒婦人有娠者也日夜分則同度量鈞衡石角

斗甬正權概注因晝夜等而平當平也同角正皆謂平之也是月也耕者少舍乃修闔

扇寢廟畢備注因蟄蟲啟戶耕事少閒而治門戶也毋作大事以妨農之事注大事兵



是月也母謁川澤母漉陂池母焚山林注順陽養物也天子乃鮮

羔開冰先薦寢廟上下命樂正習舞釋菜天子乃帥三

公九卿諸侯大夫親往視之仲丁又命樂正入學習樂

是月也祀不用犧牲用圭璧更皮幣注為季春將選而合騰之也

仲春行秋令則其國大水寒氣總至寇戎來征注西之氣乘之也

行冬令則陽氣不勝麥乃不熟民多相掠注子之氣乘之也行夏

令則國乃大旱煖氣早來蟲螟為害注午之氣乘之也

馬氏晞孟曰始雨水陰陽交而成和也凡植物始茁為萌浸長為芽動物始生為幼未壯為少植物欲其無踐履故曰安動物欲其無殄滅故曰養

朱氏申曰鷹以秋殺仲春仁氣盛故化為鳩

方氏慈曰日陽也夜陰也陽長而陰消則日長夜短陰長而陽消則夜長日短皆非陰陽之中也春秋之分陰陽適中而日夜無長短之差故言日夜分春分以陽為主故繼言雷乃發聲秋分以陰為主故繼言雷始收聲乃者繼事之辭始者肇事之辭始必有終終則有始故也川澤之物非竭其水則不可以盡取故曰竭陂池之物漉之以網罟則可以盡之矣故曰漉母

謁川澤母漉陂池主漁者言之母焚山林主田者言之

蕙田案淮南子高誘注耕者少舍言耕皆出

在野少有在都邑者也與鄭氏注異尚書仲

春平秩東作詩四之日舉趾則建卯之月正

耕作之時未可云稍休也高說較長

又案唐月令二月之節日在營室昏東井中

曉箕中斗建卯位之初二月中氣日在奎昏

東井中曉南斗中斗建卯位之中又有是月

也祀朝日于東郊是月也命有司祭馬祖

淮南子仲春之月招搖指卯桃李始華蟄蟲咸動蘇

二月官倉其樹杏

王居明堂禮帶以弓韉禮之祿下其子必得天材

易通卦驗二月候雁北驚蟄大壯初九桃始華倉庫

多火

詩汜律樞梅柳驚春羊牛來暮

禮記卷一百 觀象授時



說文祀高禘以請于請于必以乙至之日者春分來秋分去開生之候鳥帝少昊司分之官也

季春之月日在胃昏七星中旦牽牛中其日甲乙其帝

太皞其神句芒其蟲鱗其音角律中姑洗其數八其味

酸其臭羶其祀戶祭先脾桐始華田鼠化為鴽虹始見

萍始生注皆記時候也鴽鴽母蟠蝮謂之虹天子居青陽右个乘鸞路駕倉龍

載青旂衣青衣服倉玉食麥與羊其器疏以達是月也

天子乃薦鞠衣于先帝命舟牧覆舟五覆五反乃告舟

備具于天子焉天子始乘舟薦鮪于寢廟乃為麥祈實

注於含秀求其成也達不可以內注時可宣出不可收斂也天子布德行惠命有司

發倉廩賜貧窮振乏絕開府庫出幣帛周天下勉諸侯

聘名士禮賢者是月也命司空曰時雨將降下水上騰

循行國邑周視原野修利隄防道達溝瀆開通道路世

有障塞注溝瀆與道路皆不得不通所以除水潦便民事也田獵置罟羅網畢翳饒獸之

藥母出九門注為鳥獸方字乳也是月也命野虞母伐桑柘注要

也鳴鳩拂其羽戴勝降于桑注戴勝將生之候也鳴鳩飛且翼相擊趨農急也戴勝織紝之鳥是時恆在桑

具曲植蕝筐后妃齊戒親東鄉躬桑禁婦女毋觀省婦

使以勸蠶事蠶事既登分繭稱絲效功以其郊廟之服

毋有敢惰是月也命工師令百工審五庫之量金鐵皮

革筋角齒羽箭幹脂膠丹漆母或不良百工咸理監工

日號母悖于時母或作為淫巧以蕩上心是月之末擇

吉日大合樂天子乃帥三公九卿諸侯大夫親往視之

是月也乃合累牛騰馬遊牝于牧犧牲駒犢舉書其數

命國難九門磔攘以畢春氣季春行冬令則寒氣時發

草木皆肅國有大恐注丑之氣乘之也行夏令則民多疾疫時雨

孟夏之月觀象授時



不降山陵不收注未之氣乘之也行秋令則天多沈陰淫雨蚤降

兵革竝起注戍之氣乘之也

陳氏祥道曰孟春生氣未盛之時故命相布德施惠而已季春生氣方盛之時故天子布德行惠焉孟春兼言布令行慶而此言德惠者詳在于臣要在于主也

陸氏佃曰桐始華蔡邕曰木之後華者也穉之故曰始王城面各三門南北九經東西九緯若今朱雀門三經經各一門是也母出九門謂母出此門也馬氏晞孟曰田鼠化為鴽則陰類之慝者遷乎陽而其性和也萍始生則陰物之浮以承陽者也方氏慤曰虹者天地証漬之氣陰干陽所乃見而出故又謂之蜺焉氣以有所干而交以無所干而辨季春則陰陽向乎交矣故始見孟冬則陰陽極乎辨矣故藏而不見也

陳氏澹曰在內則命有司奉行在外則勉諸侯奉行凡此皆天子之德惠吳氏澄曰南三門王之正門平日宜祭之物皆不得出餘門則出此月則皆禁之

蕙田案九門呂氏春秋作國門唐石經同鄭氏解九門謂路門應門雉門庫門皋門城門近郊門遠郊門關門然羅網毒藥豈宜出自

路門又天子五門但云毋出皋門則路應雉庫已在其內矣合五門與郊關諸門以足九數殊覺牽強當以陸氏吳氏之說為是

又案唐月令三月之節日在婁昏柳中曉南斗中斗建辰位之初三月中氣日在胃昏張中曉南斗中斗建辰位之中

淮南子季春之月招搖指辰行是月令甘雨至三旬三月官鄉其樹李

王居明堂禮季春出疫于郊以攘春氣  
汜勝之農書三月榆莢雨高地疆土可種木  
孟夏之月日在畢昏翼中旦婺女中其日丙丁注丙之言炳也萬物皆炳  
其帝炎帝其神祝融其蟲羽注象物從風鼓翼飛鳥之屬其音徵律

其味苦其臭焦其祀竈  
中中呂其數七注火生數二成數七但言七者亦舉其成數



祭先肺螻蝻鳴蚯蚓出王瓜生苦菜秀注皆記時候也螻蝻天

子居明堂左个乘朱路駕赤駟載赤旂衣赤衣服赤玉

食菽與雞其器高以麤注菽實字甲堅合屬水雞木畜時熱食之亦

是月也以立夏先立夏三日太史謁之天子曰某日立

夏盛德在火天子乃齊立夏之日天子親帥三公九卿

大夫以迎夏于南郊還反行賞封諸侯慶賜遂行無不

欣說乃命樂師習合禮樂命太尉贊傑俊遂賢良舉長

大注助長氣也三王之官有司馬無太尉秦官則行爵出祿必當其位

是月也繼長增高母有壞墮注亦為母起土功母發大眾

是月也注為妨蠶母伐大樹注亦為是月也天子始絺注初服命野虞

出行田原為天子勞農勸民母或失時命司徒循行縣

鄙命農勉作母休于都注急趨是月也驅獸母害五穀母

大田獵注謂傷蕃農乃登麥天子乃以彘嘗麥先薦寢廟

是月也聚畜百藥靡草死麥秋至注舊說云靡草斷薄刑決

小罪出輕繫注崇蠶事畢后妃獻繭乃收繭稅以桑為均

貴賤長幼如一以給郊廟之服是月也天子飲酎用禮

樂孟夏行秋令則苦雨數來五穀不滋四鄙入保注中行春

行冬令則草木蚤枯後乃大水敗其城郭注亥之氣行春

令則蝗蟲為災暴風來格秀草不實注寅之氣

高氏誘曰螻蝻蝻蝻也四月陰氣始動于下故鳴

王瓜色赤感火之色而生苦菜味苦感火之味而成

張氏慮曰王瓜大瓜也種最

多有大有小以大者為善

方氏慤曰蚯蚓至陰之物感正陽之氣而出焉王瓜南方之果也而其色赤苦

菜南方之菜也故其味苦一則感火之色而生一則化火之味而秀太尉古司

馬也司馬政官命之取人者取人將以為政故也王制言司馬辨論官材與此

同意四時之田夏曰苗以其為苗除害故也故曰驅獸母害五穀又曰母大田

獵者雖可田獵不可大為之也若秋獮冬狩則為大矣物感陽而生者則強而

立感陰而生者則柔而靡謂之靡草則至陰之所生也故不勝至陽而死凡物

生于春成于秋麥獨成于夏云

麥秋者于時為夏于麥為秋也

馬氏晞孟曰萬物所以長而高者陽上達故也長之高之者天地繼之增之者

五禮通考卷一百 觀象授時



徐氏師曾曰天氣始炎恐罪人之繫于園土者或以鬱蒸而生疾故刑之薄者即斷決之不久繫也罪之小者即決遣之不收繫也繫之輕者即縱出之不復繫也八時熱審減刑即其制

蕙田案唐月令四月之節日在昴昏翼中曉牽牛中斗建巳位之初四月中氣日在畢昏軫中曉須女中斗建巳位之中又云是月也命樂正習盛樂大雩帝命有司禱祠山川方之卿士有益于人者以祈穀實是月也命有司祀雨師其移仲夏大雩於此月亦用鄭說又以彘嘗麥之下多羞以含桃一句

淮南子南方火也其帝炎帝其佐朱明執衡而治夏其神為熒惑其獸朱雀孟夏之月招搖指巳盛德在火服八風水爨柘燧火南宮御女赤色衣赤采吹竽笙其兵戟其畜雞朝于明堂左个以出夏令立夏

之日天子親率三公九卿大夫以迎歲于南郊還乃賞賜封諸侯修禮樂饗左右命太尉贊傑俊選賢良舉孝悌行爵出祿佐天長養四月官田其樹桃

逸禮夏則衣赤衣佩赤玉乘赤輅駕赤龍載赤旗以迎夏于南郊其先祭黍與鳩居明堂正廟啟南戶

仲夏之月日在東井昏亢中旦危中其日丙丁其帝炎帝其神祝融其蟲羽其音徵律中蕤賓其數七其味苦其臭焦其祀竈祭先肺小暑至螳螂生鳴始鳴反舌無

聲注皆記時候也螳螂蟬蛸母也鳴博勞也反舌百舌鳥

天子居明堂太廟乘朱路駕赤駟

載赤旂衣朱衣服赤玉食菽與雞其器高以麤養壯佼注助長氣也是月也命樂師修鞀鞀鼓均琴瑟管簫執干戚戈

羽調竽笙箎簧飭鐘磬祝敎命有司為民祈祀山川百源大雩帝用盛樂乃命百縣雩祀百辟卿士有益于民



者以祈穀實農乃登黍是月也天子乃以雛嘗黍羞以

舍桃先薦寢廟注此嘗雛也而云以嘗黍不以牲王穀也必以黍者黍火穀氣之主也舍桃櫻桃也疏如鄭此言黍非新成直取舊黍孟秋農乃登穀注云黍稷于是始熟明仲夏未熟也令民毋艾藍以染注為傷長氣也此月藍始必叢生若及早栽移則有所傷損毋燒灰注為傷火氣也毋暴布注不以陰功此月藍既長大始可分移布散毋挺重囚益其食注挺猶游牝別

閭毋閉關市毋索注順陽敷羣則絜騰駒班馬政是月也日長至陰陽爭死生分注爭

味毋致和節者欲定心氣百官靜事無刑以定晏陰之

所成鹿角解蟬始鳴半夏生木堇榮注又記時候也半夏藥草木堇王蒸也是月

也毋用火南方注陽氣盛又用火于其方害微陰可以居高明可以遠眺望

可以升山陵可以處臺榭注順陽在上也仲夏行冬令則雹凍傷

穀道路不通暴兵來至注子之氣乘之也行春令則五穀晚熟百

騰時起其國乃饑注卯之氣乘之也行秋令則草木零落果實早

成民殃於疫注酉之氣乘之也

蔡氏邕曰此時黍新熟今蟬鳴黍是也

許氏慎曰黍以暑得名小暑至農遂登黍

高氏誘曰雜新雜也毋燒炭草木未成不欲天物也是月炎氣盛猛布暴則脆傷之

馬氏晞孟曰一陰生而應作螳螂生則應之有見于形者也鳴始鳴則應之有聞于聲者也反舌無聲則以陽敷而作者以陰收而息門閭毋閉利宣也關市

其食不以其罪廢不忍人之政也

張氏慮曰火流則暑退暑極于火中此時方至也

方氏懋曰陰陽爭者陰方來與陽始遇也仲冬亦言之者陽方來與陰始遇也

陽主生陰主死微陰既生則萬物向乎死矣故死生之理於是分也君子以陰

陽方爭故宜潔誠居內退聽以待其定也仲冬不言母躁者暑為躁寒為靜故

于此特戒之鹿陽類夏至感陰生而角解麋陰類冬至感陽生而角解言木槿

別于董草也

蕙田案月令小暑至在仲夏之月日長至之

前知古不以小暑為六月節逸周書時訓解

又以此句為小滿後之第三候唐石經亦因

五禮通考卷三百 觀象授時 三



之益因孟夏時候不足六數而取此以補之  
耳農乃登黍注疏以此時黍猶未熟故云舊  
黍蔡邕月令章句以蟬鳴黍當之則黍自別  
有一種先熟者二說不同但玩經文與農乃  
登麥農乃登穀之文一例當是新黍非舊黍  
蔡說較長毋燒灰淮南灰作炭呂氏春秋同  
以季秋草木黃落故伐薪為炭仲夏樹木方  
盛故禁燒炭其理亦可通也

又案唐月令五月之節日在參昏角中曉危  
中斗建午位之初五月中氣日在東井昏亢  
中曉營室中斗建午位之中 又云是月也  
祀皇地祇于方丘是月也命有司祭先牧又  
刪去農乃登黍天子以雛嘗黍一節以是月

黍未熟也又改大雩帝及挺重囚兩條入孟  
夏之月而移孟夏聚畜百藥一條於此月

淮南子仲夏之月招搖指午存鰥寡振死事禁民無  
發火五月官相其樹榆

易通卦驗夏至小暑博勞鳴蝦蟇無聲博勞性好單  
棲其飛猴其聲嗅嗅夏至應陰而鳴冬至而止 夏  
至人主從八能之士或調黃鐘或調六律或調五音  
或調五聲或調五行或調律紀或調陰陽或調正德  
所行作樂五日

季夏之月日在柳昏火中且奎中其日丙丁其帝炎帝  
其神祝融其蟲羽其音徵律中林鐘其數七其味苦其  
臭焦其祀竈祭先肺溫風始至蟋蟀居壁鷹乃學習腐  
草為螢

注皆記時候也鷹學習謂  
搜博也螢飛蟲螢火也

天子居明堂右个乘赤路駕



赤駟載赤旂衣朱衣服赤玉食菽與雞其器高以麤命  
 漁師伐蛟取鼉登龜取龜命澤人納材葦是月也命四  
 監大合百縣之秩芻以養犧牲令民無不咸出其力以  
 其皇天上帝名山大川四方之神以祠宗廟社稷之靈  
 以為民祈福是月也命婦官染采黼黻文章必以法故  
 無或差貸黑黃蒼赤莫不質良毋敢詐偽以給郊廟祭  
 祀之服以為旗章以別貴賤等給之度是月也樹木方  
 盛乃命虞人入山行木毋有斬伐注為其未堅刃也不可以興土  
 功不可以合諸侯不可以起兵動眾注土將用事氣欲盡毋舉大事  
 以搖養氣注大事與養氣以有為毋發令而待以妨神農之事也注發令而待謂  
 出徭役之令以豫驚民驚則心動是害七  
 神之氣土神稱曰神農者以其主于稼穡  
 大事則有天殃是月也土潤溽暑注潤溽謂塗濕也大雨時行燒  
 薙行水利以殺草如以熱湯注謂欲稼萊地先薙其草草乾燒之至此月大雨流水潦畜于其中則草死不至

復生而地美可稼也  
 鮮落國多風欬民乃遷徙注辰之氣乘之也行秋令則邱隰水潦

禾稼不熟乃多女災注戌之氣乘之也行冬令則風寒不時鷹隼

蚤鷺四鄙入保注丑之氣乘之也

應氏鑄曰物得氣之先殺氣未肅而鷺猛之鳥已習于擊迎殺氣之微也涼氣未至而鳴陰之物已居于壁迎涼氣之微也方氏慈曰神農者農之神與農功而用之于明者人持農功而主之于幽者神水潦盛昌則百穀被其澤而向于成是神農將守其成也苟舉大事以妨之則是違神逆天而天是災適當之矣  
 吳氏澄曰田疇謂熟耕而其田有界域者土疆謂耕難而其土饒確者

蕙田案唐月令六月之節日在東井昏氏中  
 曉東壁中斗建未位之初六月中氣日在柳  
 昏尾中曉奎中斗建未位之中又唐本改命  
 澤人納材葦入孟秋之月改命漁師伐蛟及  
 令四監大合秩芻二節入季秋之月



淮南子季夏之月招搖指未其位中央其日戊巳盛德在土其蟲羸其音宮律中黃鐘其數五其味甘其臭香其祀中霤祭先心涼風始至蟋蟀居奧鷹乃學習腐草化為蚘天子衣苑黃服八風水爨柶燧火中宮御女黃色衣黃采其兵劍其畜牛朝于中宮命滂人入材葦行惠令弔死問疾存視長老行稭鬻厚席蓐以送萬物歸也六月官少內其樹梓

蕙田案淮南無中央令即見于季夏之月與

月令異

中央土

注火休而盛德在土也

其日戊巳

注戊之言茂也巳之言起也萬物皆枝葉茂盛其含秀者抑屈而起

其帝

黃帝其神后土其蟲倮

注象物露見不隱藏虎豹之屬恆淺毛

其音宮律中黃鐘

之宮其數五

注土生數五成數十但言五者土以生為本

其味甘其臭香其祀中霤

祭先心天子居太廟大室乘大路駕黃駟載黃旂衣黃

衣服黃玉食稷與牛其器圓以閔

注稷五穀之長牛土畜也器圓者象土周布于四時閔謂中實

象土含物

張子曰五行之氣分主四時土固多于四者然其運行之氣則均同中央土在季夏之末者以易言之八卦之位坤居西南當離兌之間離兌則金火也是以在季夏之末

吳氏澄曰倮人類也人類之貴于羽毛鱗介猶土之尊于木火金水也

蕙田案唐月令有是月也祀黃帝于南郊

淮南子中央土也其帝黃帝其佐后土執繩而治四方其神為鎮星其獸黃龍

孟秋之月日在翼昏建星中旦畢中其日庚辛

注庚之言更也辛之言新

也萬物皆肅然改更秀實新成

其帝少皞其神蓐收其蟲毛

注象物應涼氣而備寒狐貉之屬生旃毛者

其音商律中夷則其數九

注金生數四成數九但言九者亦舉其成數其味辛其臭腥其祀門祭先肝涼風至白露降寒蟬鳴鷹乃祭鳥用

始行戮

注皆記時候也寒蟬寒蟬謂蛻也鷹祭鳥者將食之示有先也既祭之後不必盡食若人君刑戮之而已天子居總

五禮通考卷之三 觀象授時

五



章左个乘戎路駕白駱載白旂衣白衣服白玉食麻與

注麻實有文理屬金大金畜也

犬其器廉以深注器廉以深象金傷害物入藏是月也以立秋先

立秋三日大史謁之天子曰某日立秋盛德在金天子

乃齊立秋之日天子親率三公九卿諸侯大夫以迎秋

於西郊還反賞軍帥武人于廟天子乃命將帥選士厲

兵簡練桀俊專任有功以征不義誅暴慢以明好惡

順彼遠方是月也命有司修法制繕囹圄具桎梏禁止

姦慎罪邪務搏執注順秋氣政尚嚴命理瞻傷察創視折注理治獄官也有虞

氏曰士夏曰大審斷決獄訟必端平戮有罪嚴斷刑天地始

肅不可以贏是月也農乃登穀天子嘗新先薦寢廟注黍稷之

始熟屬于是命百官始收斂注順秋氣收斂物完隄防謹壅塞以備水潦

修宮室坏牆垣補城郭注象秋收斂物當藏也是月也母以封諸侯立

大官母以割地行大使出大幣孟秋行冬令則陰氣大

勝介蟲敗穀戎兵乃來注亥之氣乘之也行春令則其國乃旱陽

氣復還五穀無實注寅之氣乘之也行夏令則國多火災寒熱不

節民多瘧疾注巳之氣乘之也

馬氏晞孟曰涼風至則天地之仁氣散矣白露降則陰乘陽而其候交矣寒蟬鳴則物之生于暑者其聲變矣鷹乃祭鳥用始行戮則時主殺而物之司殺者應是而動也于是可以設罟羅矣

方氏慈曰穀謂稷也孟夏之麥仲秋之麻季秋之稻皆穀獨于稷言穀以稷為五穀之長也稼穡之官謂之后稷土穀之神謂之社稷皆以此爾

蕙田案命理瞻傷察創視折審斷當於斷字

絕句蔡邕云皮曰傷肉曰創骨曰折骨肉皆

絕曰斷蓋此四者其受傷有輕重之殊故曰

瞻曰察曰視曰審亦有深淺之別刑官相驗

之法大略盡于此矣注疏本以審斷決為句

陳氏澹集說亦同惟陸佃吳澄徐師曾皆從

蔡氏今從之



又案唐月令七月之節日在張昏尾中曉婁中斗建申位之初七月中氣日在張昏箕中曉昴中斗建申位之中又唐本于具桎梏下有斷薄刑決小罪六字無禁止姦以下三十一字蓋因鄭氏注以純陽之月斷刑決罪為非故移置此月也又于命百官始收斂下增人命澤人納材葦六字無完隄防以下十字又母以封諸侯一條唐本亦無之

淮南子西方金也其帝少昊其佐蓐收執矩而治秋其神為太白其獸白虎孟秋之月招搖指申盛德在金服八風水爨柘燧火西宮御女白色衣白采撞白鐘其兵戈其畜狗朝于總章左个以出秋令求不孝不悌戮暴傲悍而罰之以助損氣行是月令涼風

至三旬七月官庫其樹棟

尚書大傳天子以秋命三公將帥選士厲兵以征不義決訟獄斷刑罰趣收斂以順天道以佐秋殺

詩汜律樞蟋蟀在堂流火西也立秋促織鳴女工急促之候也

春秋考異郵立秋趣織鳴

尚書考靈曜虛為秋後昴為冬期陰氣相佐德乃不邪子助母教母合子符

仲秋之月日在角昏牽牛中旦觜觿中其日庚辛其帝少皞其神蓐收其蟲毛其音商律中南呂其數九其味辛其臭腥其祀門祭先肝盲風至鴻雁來元鳥歸羣鳥養羞注皆記時候也盲風疾風也歸謂去蟄也羞謂所食也天子居總章太廟乘戎路駕白駱載白旂衣白衣服白玉食麻與犬其器廉以深是月



也養衰老授几杖行糜粥飲食乃命司服具飭衣裳文  
 繡有恆制有小大度有長短衣服有量必循其故冠帶  
 有常乃命有司申嚴百刑斬殺必當毋或枉撓枉撓不  
 當反受其殃是月也乃命宰祝循行犧牲視全具案芻  
 豢瞻肥瘠察物色必比類量大小視長短皆中度五者  
 備當上帝其饗天子乃難以達秋氣以犬嘗麻先薦寢  
 廟注麻始熟也是月也可以築城郭建都邑穿寶窖修困倉注為民將入物當藏也乃命有司趣民收斂務畜菜多積聚注始為禦冬之備乃勸  
 種麥母或失時其有失時行罪無疑注麥者接絕續之穀尤重之是月也  
 日夜分雷始收聲蟄蟲坯戶殺氣浸盛陽氣日衰水始  
 涸注又記時候也雷始收聲在地中動內物也坯益也蟄蟲益戶謂稭小之也涸竭也此甫八月中雨氣未止而云水竭非也周語曰天根見而水涸天根見九月末也日夜分則同度量平權衡正鈞石角斗甬是月也易  
 關市來商旅納貨賄以便民事四方來集遠鄉皆至則

財不匱上無乏用百事乃遂凡舉大事毋逆大數必順  
 其時慎因其類仲秋行春令則秋雨不降草木生榮國  
 乃有恐注卯之氣乘之也行夏令則其國乃旱蟄蟲不藏五穀復  
 生注午之氣乘之也行冬令則風災數起收雷先行草木蚤死注子之氣乘之也

方氏慈曰盲者閉暗之稱當建酉闔戶之月故其風謂之盲風又謂之閭闔元鳥至以陽中故歸以陰中也蓋謂所美之食養之以備冬藏也  
 陳氏滌曰水本氣之所為春  
 夏氣至故長秋冬氣返故涸  
 徐氏師曾曰農事畢故可以興土功城郭都邑功之作于上者實窳困倉功之作于下者

蕙田案唐月令八月之節日在翼昏南斗中  
 曉畢中斗建酉位之初八月中氣日在軫昏  
 南斗中曉東井中斗建酉位之中又唐本有  
 是月也命樂正習吹上丁釋奠于國學天子  
 乃率公卿大夫親往視之是月也命有司上



戊釋奠于太公廟是月也擇元日命人社是月也祀夕月于西郊是月也命有司享壽星于南郊是月也命有司祭馬社自乃命司服以下三十二字及命有司趣民收斂務蓄菜俱改入季秋之月築城郭以下四句易關市以下九句俱改入孟冬之月

淮南子仲秋之月招搖指酉涼風至候雁來元鳥歸羣鳥翔八月官尉其樹柘

王居明堂禮仲秋九門磔攘以發陳氣禦止疾疫仲秋農隙民畢入于室曰時殺將至毋懼其災 仲

秋乃命國釀 春秋感精符八月白露降鶴即高鳴相傲 季秋之月日在房昏虛中旦柳中其日庚辛其帝少暎

其神蓐收其蟲毛其音商律中無射其數九其味辛其臭腥其祀門祭先肝鴻雁來賓爵人大水為蛤鞠有黃華豺乃祭獸戮禽注皆記時候也來賓言其客止未去也大水海也戮猶殺也天子居總章右个乘戎路駕白駱載白旂衣白衣服白玉食麻與犬其器廉以深是月也申嚴號令命百官貴賤無不務內以會天地之藏無有宣出注內謂收斂入之也會猶聚也乃命冢宰農事備收舉五穀之要藏帝藉之收于神倉祇敬必飭是月也霜始降則百工休注寒而膠漆之作不堅好也乃命有司曰寒氣總至民力不堪其皆入室上丁命樂正入學習吹是月也大饗帝嘗犧牲告備于天子合諸侯制百縣為來歲受朔日與諸侯所稅于民輕重之法貢職之數以遠近土地所宜為度以給郊廟之事無有所私注秦以建亥之月為歲首于是歲終使諸侯及鄉遂之官受此法焉是月也天子乃教於田獵以習五戎班馬政命僕及七



騶咸駕載旌旒授車以級整設于屏外司徒搢扑北面

誓之天子乃厲飾執弓挾矢以獵命主祠祭禽于四方

是月也草木黃落乃伐薪為炭注伐木必因殺氣蟄蟲咸俯在內

皆瑾其戶注瑾謂塗閉之辟殺氣乃趣獄刑毋留有罪注殺氣已至有罪者即決也收祿

秩之不當供養之不宜者注天氣殺而萬物咸藏可以去之也是月也天子乃

以犬嘗稻先薦寢廟注稍始熟也季秋行夏令則其國大水冬

藏殃敗民多軌噫注未之氣乘之也行冬令則國多盜賊邊境不

甯土地分裂注丑之氣乘之也行春令則煖風來至民氣解惰師

興不居注辰之氣乘之也

方氏慤曰萬物皆華于陽獨鞠華于陰故言有春秋傳曰有者不宜有也獨言其色者其色正應陰之盛也

陳氏澣曰雁以仲秋先至者為主季秋後至者為賓如先登者為主後登者為客也務內謂專務收斂諸物于內以合天地閉藏之令也宣用則悖時

張氏慮曰為政無取乎督促獄刑則惡乎留滯入秋以來孟月則嚴之仲月又中嚴之季月乃趣之柱枯之苦筆楚之痛望而畏之此豈可留者易曰山上有

火旅先王以明慎用刑而不留獄旅不處也聖人以不留獄象之信矣

欽定義疏月令紀雁為詳以生于陰而能從陽故重之

重之故詳之十二月雁北鄉則七月南鄉可知鄉之

未啟行也正月鴻雁歸啟行未至北也八月鴻雁來

啟行未至南也九月則若賓之至矣九月來賓則三

月至其鄉可知詳于南其所見也畧于北其所不見

也于北曰鄉曰歸鄉其鄉歸其鄉也于南曰來曰來

賓客之也

蕙田案高誘注淮南子云賓爵老雀也栖息

于人房戶之間有似賓客故云賓爵春秋正

義引張叔皮論有賓爵下革田鼠上騰之語

蓋主高氏與注疏不同未知孰是

又案唐月令九月之節日在角昏牽牛中曉



東井中斗建戌位之初九月中氣日在氏昏  
須女中曉柳中斗建戌位之中又唐本有是  
月也命有司伐蛟取鼉登龜取龜是月也命  
有司具飭衣裳文繡有恆衣服有量冠帶有  
常必循其故是月也命有司合秩芻以養犧  
牲以供皇天上帝名山大川四方之神以祠  
宗廟社稷之靈為人祈福是月也趣人收斂  
務蓄菜而無為來歲受朔日教田獵趣獄刑  
收祿秩不當供養不宜諸文

淮南子季秋之月招搖指戌九月官候其樹桃

王居明堂禮季秋除道致梁以利農

詩汜律樞天霜樹落葉而鴻雁南飛

春秋感精符霜殺伐之表季秋霜始降鷹隼擊王者

順天行誅以成肅殺之威若政令苛則夏霜誅伐不  
行則冬霜不殺草

孟冬之月日在尾昏危中旦七星中其日壬癸注壬之言任也癸之言揆也萬物懷任于下揆然萌芽

音羽律中應鐘其數六注水生數一成數六但言六者亦舉其成數其味鹹其臭朽

其祀行祭先腎水始冰地始凍雉入大水為蜃虹藏不

見注皆記時候也大天子居元堂左个乘元路駕鐵驪載元

旂衣黑衣服元玉食黍與彘其器閔以奄注黍秀舒散屬火寒時食之亦以安性也

子日某日立冬盛德在水天子乃齊立冬三日大史謁之天

帥三公九卿大夫以迎冬于北郊還反賞死事恤孤寡

是月也命太師釁龜筮占兆審卦吉凶注周禮龜人上春釁龜謂建寅之月也秦以其

龜筮與周異矣是察阿黨則罪無有掩蔽是月也天子始裘

歲首使太史釁龜筮與周異矣



注九月授衣至此可以加裝命有司曰天氣上騰地氣下降天地不通閉

塞而成冬注使有可助閉藏之氣命百官謹蓋藏命司徒循行積聚無

有不斂坏城郭戒門閭修鍵閉慎管籥固封疆備邊竟

完要塞謹關梁塞徭徑飭喪紀辨衣裳審棺槨之厚薄

塋丘壟之大小高卑厚薄之度貴賤之等級注此亦閉藏之具順時節正之也

是月也命工師效功陳祭器案度程母或作為淫巧以

蕩上心必功致為上物勒工名以考其誠功有不當必

行其罪以窮其情是月也大飲烝天子乃祈來年于天

宗大割祠于公社及門閭臘先祖五祀勞農以休息之

天子乃命將帥講武習射御角力是月也乃命水虞漁

師收水泉池澤之賦母或敢侵削眾庶兆民以為天子

取怨于下其有若此者行罪無赦注因盛德在水收其稅孟冬行春令

則凍閉不密地氣上泄民多流亡注寅之氣乘之也行夏令則國

多暴風方冬不寒蟄蟲復出注巳之氣乘之也行秋令則雪霜不

時小兵時起土地侵削注申之氣乘之也

方氏慤曰冰即水也水以陽釋冰以陰凝凍氣閉而陽不能照也孟冬重陰之始故言水始冰地始凍焉水虞即周禮澤虞師即周禮獻人命是二官者各以其職故也仲秋言行罪無疑無疑未至于無赦也失時之罪小故止于無疑取怨之罪大故曰無赦馬氏論孟曰雉火屬壘水屬陽不勝陰而並與遷焉故化虹以陰干陽故見至是陽升陰降而弗通故藏

蕙田案唐月令十月之節日在房昏虛中曉

張中斗建亥位之初十月中氣日在尾昏危

中曉翼中斗建亥位之中又唐本有是月也

可以築城郭造宮室穿竇塞修囷倉是月也

祭神州地祇于北郊是月也命有司祭司寒

是月也命有司祭司中司命司人司祿是月

也易關市來征旅納貨賄以便人事四方來



是月也命有司秫稻必齊麩藁必時湛齊必  
潔水泉必香陶器必良火齊必得兼用六物  
酒官監之無有差貸其移仲冬乃命大酉一  
節于此月則取幽詩十月穫稻爲此春酒之  
文也又改太史釁龜入孟春之月改天子祈  
來年于天宗命將帥講武習射御角力入季

冬之月

淮南子北方水也其帝顓頊其佐元冥執權而治冬  
其神爲辰星其獸元武 孟冬之月招搖指亥盛德  
在水服八風水爨松熒火北宮御女黑色衣黑采擊  
磬石其兵鍛其畜彘朝于元堂左个以出冬令命有  
司修羣禁禁外徙閉閭大撽客斷罰刑殺當罪阿上  
亂法者誅十月官司馬其樹檀

王居明堂禮孟冬之月命農畢積聚繫牧牛馬

尚書大傳天子以冬命三公謹蓋蒞馬門閭固封竟

入山澤田獵以順天道以佐冬固藏也

逸禮冬則衣黑衣佩元玉居明堂後廟啟北戶

仲冬之月日在斗昏東壁中旦軫中其日壬癸其帝顓

頊其神元冥其蟲介其音羽律中黃鐘其數六其味鹹

其臭朽其祀行祭先腎冰益壯地始坼鶡旦不鳴虎始

交注皆記時候也鶡旦求天子居元堂太廟乘元路駕鐵驪載

元旂衣黑衣服元玉食黍與彘其器閤以奄飭死事注飭

眾以固而閉地氣沮泄是謂發天地之房諸蟄則死民

必疾疫又隨以喪命之曰暢月注暢猶充也太陰是月也命

奄尹申宮令審門閭謹房室必重閉省婦事毋得淫雖



有貴戚近習母有不禁乃命大酋秫稻必齊麩蕡必時  
 湛熾必絜水泉必香陶器必良火齊必得兼用六物大  
 酋監之母有差貸天子命有司祈祀四海大川名源淵  
 澤井泉注順其德盛之時祭之也是月也農有不收藏積聚者馬牛畜獸  
 有放佚者取之不詰注此收斂尤急之時人有取者不罪所以警懼其主也山林藪澤有能  
 取蔬食田獵禽獸者野虞教道之其有相侵奪者罪之  
 不赦注務收斂野物也是月也日短至陰陽爭諸生蕩注爭者陰方盛陽欲起也蕩謂  
物動明君子齊戒處必掩身身欲甯去聲色禁者欲安形  
 性事欲靜以待陰陽之所定芸始生荔挺出蚯蚓結麋  
 角解水泉動注又記時候也芸香草也荔從馬聲也水泉動潤上行日短至則伐木取竹箭  
注此其堅成之極時是月也可以罷官之無事去器之無用者注謂先時權所  
建作者也天地閉藏而萬物休可以去之塗闕廷門閭築圉圉此以助天地之閉藏  
注順時也仲冬行夏令則其國乃旱氛霧冥冥雷乃發聲

也注午之氣乘之也行秋令則天時雨汁瓜瓠不成國有大兵注西之氣乘之也  
 行春令則蝗蟲為敗水泉咸竭民多疥癘注卯之氣乘之也

高氏誘曰始拆凍裂也鳴旦山鳥陽物也是月陰盛故不鳴虎陽中之陰陰氣盛以類發也

朱子曰暢月謂陽久屈而得伸也

張氏慮曰寒氣增于地之上故冰益壯暖氣生于地之下故凍者拆游惰之民為人所取上未嘗加問惡其惰也勤力之民為人侵奪上為之罪其人喜其勤也上之示民好惡者如此

馬氏喻孟曰夏為正陽陰始間之冬為正陰陽始間之有爭道焉于冬至曰諸生湯見陽足以勝陰于夏至曰死生分見陰之來不遇與陽為敵而已

陳氏龍曰此與夏至同而有詳之至者仲夏之陰猶微而此時之陰猶盛陰微則盛陽未至於甚傷陰盛則微陽當任于善保故也

方氏慈曰芸荔挺皆香草凡物之氣感陰者醒感陽者香蚯蚓感正陽之氣而後出故發湯始生而猶結言形之未解也是月陰極而終故冰益壯陽生而始

然動其氣然也

蕙田案呂氏春秋淮南子唐月令俱無飭死  
 事三字朱子定以為衍文蓋因孟冬有賞死  
 事之文誤重出于此



又案唐月令十一月之節日在箕昏營室中  
曉軫中斗建子位之初十一月中氣日在南  
斗昏東壁中曉角中斗建子位之中又唐本  
有是月也祀昊天上帝于圜丘是月也命有  
司祭馬步自乃命大酋以下改入孟冬之月  
又刪去命之日暢月句省婦事毋得淫句及  
塗闕庭門閭三句

淮南子仲冬之月招搖指子十一月官都尉其樹棗  
易通卦驗荔挺不出則其國多火災 冬至之前五  
日商賈不行兵甲伏匿人主與羣臣左右從樂 冬  
至日使八能之士鼓黃鐘之琴瑟用槐木長八尺一  
寸 冬至之日立八神樹八尺之表日中視其晷晷  
如度者則歲美人和否則歲惡人惑暑入則水暑退

則早進二寸則月食進尺則日食

孝經援神契仲冬昴星中取苜蓿

季冬之月日在婺女昏婁中旦氏中其日壬癸其帝顓

頊其神元冥其蟲介其音羽律中大呂其數六其味鹹

其臭朽其祀行祭先賢雁北鄉鵲始巢雉雉皆記

鳴也天子居元堂右个乘元路駕鐵驪載元旂衣黑衣服

元玉食黍與彘其器閼以奄命有司大難旁磔出土牛

以送寒氣征鳥厲疾注殺氣當極也征鳥題肩乃畢山川之祀

及帝之大臣天之神祇是月也命漁師始漁天子親往

乃嘗魚先薦寢廟注此時冰方盛水澤腹堅命取冰注腹厚

具田器注明大寒既過命樂師大合吹而罷乃命四監收秩

薪柴以其郊廟及百祀之薪燎是月也日窮于次月窮



于紀星回于天數將幾終注言日月星辰運行于此月皆歲且更

始專而農民母有所使注言專一女農民之心令之豫有志于耕天

子乃與公卿大夫其飭國典論時令以待來歲之宜注禮

正月為之建寅而縣之今乃命大史次諸侯之列賦之犧牲以

其皇天上帝社稷之饗乃命同姓之邦其寢廟之芻豢

命宰歷卿大夫至于庶民土田之數而賦犧牲以其山

林名川之祀凡在天下九州之民者無不咸獻其力以

其皇天上帝社稷寢廟山林名川之祀季冬行秋令則

白露蚤降介蟲為妖四鄙入保注戌之氣行春令則胎天

多傷國多固疾命之曰逆注辰之氣行夏令則水潦敗國

時雪不降冰凍消釋注未之氣

馬氏晞孟曰雁北鄉則順陽而復也雉火畜也感于陽而後有聲雞木畜也麗于陽而後有形方氏愨曰冰之入也為陰事之終種之出也為陽事之始以冰入之期而告民出五種終則有始也

蕙田案唐月令十二月之節日在南斗昏奎

中曉亢中斗建丑位之初十二月中氣日在

須女昏婁中曉氏中斗建丑位之中又唐本

有命將帥講武習射御角力乃教田獵以習

五戎班馬政命僕及七駟咸駕載旌旒授車

以級整設于屏外有司摺扑北面以誓之天

子乃厲飾執弓挾矢以獵命有司修祭禽之

禮天子乃禱百神于南郊為來年祈福于天

宗命有司出土牛以示農耕之早晚是月也

合諸侯制百縣為來歲受朔日與諸侯所稅

于人輕重之法貢職之數以遠近土宜為度

以給郊廟之事無有所私其移季秋頒朔于

此月者以頒朔當在歲終也移孟冬祈年天



宗於此月亦以祈年當在歲終也唐本又刪去乃畢山川之祀以下三句乃命同姓之邦以下六句

淮南子季冬之月招搖指丑雁北鄉鵠加巢雉雒雞呼卯十二月官獄其樹櫟

王居明堂禮季冬命國爲酒以合三族君子說小人樂

說文冬至後三戌爲臘祭百神也

易通卦驗小寒虎始交豺祭獸鵠者陽鳥先物而動先時而應見于木風之象

尙書大傳東方之極自碣石東至日出博桑之野帝太皞神句芒司之自冬至數四十六日迎春于東堂距邦八里堂高八尺堂階八等青稅八乘旂旒尙

青田車載矛號曰助天生倡之以角舞之以羽此迎春之樂也孟春之月御青陽左个禱用牡索祀于艮隅貌必恭厥休時雨朔令曰挺羣禁開閉闔通窮室達障塞待優其禁毋伐林木仲春之月御青陽正室牲先脾設主于戶索祀于震正朔令曰棄怒惡解役臯免優患休罰刑閉關梁其禁田獵不宿飲食不享出入不節奪民農時及有姦謀季春之月御青陽右个薦用鮪索祀于巽隅朔令曰宣庫財和外怨撫四方行柔惠止剛強九門磔禳出疫于郊以禳春氣南方之極自北戶南至炎風之野帝炎帝神祝融司之自春分數四十六日迎夏于南堂距邦七里堂階七等赤稅七乘旂旒尙赤田車載弓號曰助天養倡之以徵舞之以鼓鞀此迎夏之樂也孟夏之月御明堂



左个嘗麥用彘索祀于巽隅視必明厥休時燠朔令  
曰爵有德賞有功惠賢良舉力農其禁毋隳隄防仲  
夏之月御明堂正室牲先肺設主于竈索祀于離正  
朔令曰振貧窮惠孤寡慮囚疾出大祿行大賞其禁  
棄法律逐功臣殺太子以妾爲妻乃令民雩季夏之  
月御明堂右个牲先心設主于中霤索祀于坤隅思  
必睿厥休時風朔令曰起毀宗立無後封廢國立賢  
輔卹喪疾中央之極自崑崙中至大室之野帝黃帝  
神后土司之土王之日禱用牲迎中氣于中室樂用  
黃鐘之宮爲民祈福命世婦治服章令民口其禁治  
宮室飾臺榭內淫亂犯親戚侮父兄西方之極自流  
沙西至三危之野帝少皞神尊收司之自夏日至數  
四十六日迎秋于西堂距邦九里堂高九尺堂階九

等白稅九乘旌旄尙白田車載兵號曰助天收借之  
以商舞之以干戚此迎秋之樂也孟秋之月御總章  
左个嘗穀用犬索祀于坤隅言必從厥休時暘朔令  
曰審用法備盜賊禁姦衰飾羣牧謹貯聚其禁毋弛  
戎備仲秋之月御總章正室牲先肝設主于門索祀  
于兌正朔令曰謹功築遏溝瀆修困倉決刑獄趣收  
斂其禁好攻戰輕百姓飾城郭侵邊竟乃令民畋醵  
庶毗畢入于室曰時殺將至毋罹其菑季秋之月御  
總章右个薦用田禽索祀于乾隅朔令曰除道路守  
門閭陳兵甲戒百官誅不法除道成梁以利農夫北  
方之極自丁令北至積雪之野帝顓頊神元冥司之  
自秋分數四十六日迎冬于北堂距邦六里堂高六  
尺堂階六等黑稅六乘旌旄尙黑田車載甲鐵號曰



助天誅倡之以羽舞之以干戈此迎冬之樂也孟冬之月御元堂左个祈年用牲索祀于乾隅聽必聰厥休時寒朔令曰申羣禁修障塞畢積聚繫牛馬收澤賦其禁無作淫巧仲冬之月御元堂正室牲先賢設主于井索祀于坎正朔令曰搜外徒止夜禁誅詐偽省醞釀謹閉關其禁簡宗廟不禱祠廢祭祀逆天時乃令民罷土功季冬之月御元堂右个薦用魚索祀于艮隅朔令曰省牲牲修農器收秸薪築囹圄謹蓋藏乃大儺以禳疾命國為酒以合三族君子說小人樂

蕙田案此洪範五行傳篇中之文與月令大同

又案四仲之月索祀于震離兌坎四正四孟

四季之月索祀于艮巽坤乾四隅此以後天八卦方位定四方其實四隅之祭各有不同孟春之艮兼寅季冬之艮兼丑季春之巽兼辰孟夏之巽兼巳季夏之坤兼未孟秋之坤兼申季秋之乾兼戌孟冬之乾兼亥也後世術家以八卦配干支定為二十四干去戊己土無正位也八卦去子午卯酉坎離震兌四正也或疑後天卦位出于方外陳搏之傳而未信之難與語仰觀俯察之妙矣

逸周書時訓解立春之日東風解凍又五日蟄蟲始振又五日魚上冰風不解凍號令不行蟄蟲不振陰奸陽魚不上冰甲冑私藏雨水之日獺祭魚又五日鴻雁來又五日草木萌動獺不祭魚國多盜賊鴻雁



不來遠人不服草木不萌動果蔬不熟驚蟄之日桃  
 始華又五日倉庚鳴又五日鷹化為鳩桃不始華是  
 謂陽否倉庚不鳴臣不口主鷹不化鳩寇戎數起春  
 分之日元鳥至又五日雷乃發聲又五日始電元鳥  
 不至婦人不口雷不發聲諸侯口民不始電君臣威  
 震清明之日桐始華又五日田鼠化為鴛又五日虹  
 始見桐不華歲有大寒田鼠不化鴛國多貪殘虹不  
 見婦人苞亂穀雨之日萍始生又五日鳴鳩拂其羽  
 又五日戴勝降于桑萍不生陰氣憤生鳴鳩不拂其  
 羽國不治兵戴勝不降于桑正教不中立夏之日螻  
 蟈鳴又五日蚯蚓出又五日王瓜生螻蟈不鳴水潦  
 淫漫蚯蚓不出螻蟈后王瓜不生困于百姓小滿之  
 日苦菜秀又五日靡草死又五日小暑至苦菜不秀

賢人潛伏靡草不死國縱盜賊小暑不至是謂陰隱  
 芒種之日螳螂生又五日鳴始鳴又五日反舌無聲  
 螳螂不生是謂陰息鳴不始鳴令奸壅偏反舌有聲  
 佞人在側夏至之日鹿角解又五日蜩始鳴又五日  
 半夏生鹿角不解兵戈不息蜩不鳴貴臣放逸半夏  
 不生民多癘疾小暑之日溫風至又五日蟋蟀居壁  
 又五日鷹乃學習溫風不至國無寬教蟋蟀不居壁  
 急迫之暴鷹不學習不備戎盜大暑之日腐草化為  
 螢又五日土潤溽暑又五日大雨時行腐草不化為  
 螢穀實鮮落土潤不溽暑物不應罰大雨不時行國  
 無恩澤立秋之日涼風至又五日白露降又五日寒  
 蟬鳴涼風不至無嚴政白露不降民多邪病寒蟬不  
 鳴人皆力爭處暑之日鷹乃祭鳥又五日天地始肅



又五日禾乃登鷹不祭烏師旅無功天地不肅君臣  
乃口農不登穀暖氣爲災白露之日鴻雁來又五日  
元鳥歸又五日羣鳥養羞鴻雁不來遠人背畔元鳥  
不歸家室離散羣鳥不養羞下臣驕慢秋分之日雷  
始收聲又五日蟄蟲培戶又五日水始涸雷不始收  
聲諸侯淫佚蟄蟲不培戶口靡有賴水不始涸甲蟲  
爲害寒露之日鴻雁來賓又五日爵入大水化爲蛤  
又五日菊有黃華鴻雁不來小民不服爵不入大水  
失時之極菊無黃華土不稼穡霜降之日豺乃祭獸  
又五日草木黃落又五日蟄蟲咸俯豺不祭獸爪牙  
不良草木不黃落是爲愆陽蟄蟲不咸俯民多流亡  
立冬之日水始冰又五日地始凍又五日雉入大水  
爲蜃水不冰是爲陰負地不始凍咎徵之咎雉不入

大水國多淫婦小雪之日虹藏不見又五日天氣上  
騰地氣下降又五日閉塞而成冬虹不藏婦不專一  
天氣不上騰地氣不下降君臣相嫉不閉塞而成冬  
母后淫佚大雪之日鶚鳥鳴又五日虎始交又五日  
荔挺生鶚鳥不鳴口口虎不始交口口口荔挺不  
生卿士專權冬至之日蚯蚓結又五日麋角解又五  
日水泉動蚯蚓不結君政不行麋角不解兵甲不藏  
水泉不動陰不承陽小寒之日雁北鄉又五日鵲始  
巢又五日雉始雊雁不北鄉民不懷土鵲不始巢國  
不甯雉不始雊國大水大寒之日雞始乳又五日鷩  
鳥厲疾又五日水澤腹堅雞不始乳淫女亂男鷩鳥  
不厲國不除兵水澤不腹堅言乃不從  
王氏應麟曰周書時訓雨水之日獺祭魚驚蟄之日



三才圖會卷一百  
三  
桃始華易通卦驗先雨水次驚蟄此漢太初後術也  
又案三統術穀雨三月節清明中而時訓通卦驗清  
明在穀雨之前與今術同然則二書皆作于劉歆之  
後時訓非周公書明矣是以朱子集儀禮取夏小正  
而不取時訓

蕙田案逸周書本非古書而時訓一篇尤為  
淺陋蓋漢儒剽取月令之文分為七十二候  
傳會以占驗之說後之術家言五日一候者  
率準乎此唐開元中御定月令乃以竄入禮  
記正文無識甚矣月令以天時草木鳥獸記  
每月之候此古法也每月中少者四五候多  
者七八候節氣與中氣交則候隨應之豈有  
五日而一候應又五日而一候應之理乎又

每月既定為六候不可增多故仲夏則去木  
莖榮一候仲秋則去盲風至一候仲冬則去  
冰益壯地始坼芸始生三候矣亦不可減少  
故孟夏則以次月之小暑至補之而與月令  
之文相矛盾矣孟秋則以天地始肅為一候  
孟冬則以天氣上騰地氣下降與閉塞而成  
冬分為二候然月令所云天氣下降地氣上  
騰天地和同未嘗以紀孟春之候何獨於此  
月紀之且閉塞而成冬即上騰下降之驗尤  
不可分為兩事其支離雜湊如此至占驗之  
法出于讖緯家言尤無可取也

右時令下

後漢書禮儀志每月朔旦太史上其月律有司侍郎尚



書見讀其令奉行其政

宋書禮志漢制太史每歲上其年律先立春立夏大暑立秋立冬常讀五時令皇帝所服各隨五時之色帝升御座尚書令以下就席位尚書三公郎中以令置案上奉以先入就席伏讀訖賜酒一卮

通典魏明帝景初元年通事奏曰前後但見讀四時令至于服黃之時獨闕太史令高堂隆以為黃屬土也土旺四季各十八日土生于火故于火用事之末服黃三季則否其令則隨四時不以土行為令也是以服黃無令斯則魏代不讀大暑令也

宋書禮志晉成帝咸和五年六月有司奏讀秋令侍中散騎侍郎荀奕兼黃門侍郎散騎侍郎曹宇駁曰尚書三公曹奏讀秋令儀注新荒以來舊典未備臣等參議

光祿大夫華恆議武皇帝以秋夏盛暑常闕不讀令在春冬不廢也夫先王所以順時讀令蓋後天而奉天時正服尊嚴之所重今服章多闕如比熱隆赫臣等謂可如恆議依故事闕而不讀詔可六年三月有司奏今月十六日立夏案五年三月門下駁依武皇帝夏闕讀令今正服漸備四時讀令是祇述天和隆赫之道謂今故宜讀夏令奏可

宋太祖常讀土令三公郎中每讀時令皇帝臨軒百僚備位多震悚失常儀唯世祖世劉勰太宗世謝緯善於其事人主及公卿並屬目稱歎

隋書禮儀志北齊制立春日皇帝服通天冠青介幘青紗袍佩蒼玉青帶青袴青襪烏而受朝于太極殿西廂東向尚書令等坐定三公郎中詣席跪讀時令訖典御



酌卮酒置郎中前郎中拜還席伏飲禮成而出立夏至  
立秋則施御座于中楹南向立冬如春東向各以其時  
之服色儀並如春禮

通典唐貞觀十一年復修四時讀令開元十六年命太  
常少卿韋縉每月進月令一篇是後孟月朔日御宣政  
殿側置一榻東西置案令韋縉坐而讀之諸司長官亦  
升殿列坐聽焉歲除罷之

杜氏佑曰讀時令非古制也自東漢始焉其後因而  
沿襲案太宰職正月之吉懸治象之法於象魏使人  
觀之又春官太史頒告朔于邦國玉藻復云聽朔于  
南門之外並無讀時令故事而辟閭仁諳云元日受  
朝讀令此則聽朔禮畢合于玉藻之文王方慶雖有  
所駭大旨與仁諳不異皆臆說也凡言時者謂四時

耳若正月之朔讀令則合云歲令何以謂之時邪其  
夏秋冬又何為不讀邪則辟閭輩誤矣

開元禮皇帝於明堂讀五時令

陳設

禮部尚書先讀令三日奏讀月令承以宣告前三日尚

舍直長施大次于青龍門外道北南向仲春于青陽太廟季春

雀門外道東西向仲夏于明堂太廟季夏于明堂右个孟秋于白虎門外道北南

向仲秋于總章太廟季秋于總章右个孟冬于元武門外道西東向仲冬于元堂

太廟季冬于元堂右个尚舍奉御設御座守宮設文武官次于大次之

後文官在左武官在右俱南向夏俱西向秋俱北向冬俱東向設羣官次于

璧水東門之外夏南門之外秋西門北向冬俱東向文官在北夏在東秋在武官在

南夏在西秋在北冬在東俱西上夏北秋東上冬南上前一日尚舍奉御設御幄座

于青陽左个仲春于青陽太廟季春于青陽右个孟夏于明堂左个仲夏于

明堂太廟季夏于明堂右个季夏土王日讀土令于太廟太室

孟秋于總章左个仲秋于總章太廟季秋于總章右个近西東向夏近北南向

孟冬于元堂左个仲冬于元堂太廟季冬于元堂右个







刻搥二鼓為再嚴侍中版奏請中嚴奉禮設從駕羣官  
 五品以上位文官于東朝堂之前西向武官于西朝堂  
 之前東向俱重行北上從駕羣官五品以上俱集朝堂  
 次各服其服其六品以下並從發駕之前先赴朝堂所俱就次各服其服所司陳小駕鹵簿未  
 明二刻搥三鼓為三嚴諸衛之屬各督其隊與鈇戟以  
 次入陳于殿庭謁者引從駕羣官各就朝堂位諸侍衛  
 之官各服其器服侍中中書令以下俱詣西閣奉迎侍中  
 如乘黃令進金輅于西閣外南向千牛將軍一人執長  
 刀立于輅前北向黃門侍郎一人在侍臣之前贊者二  
 人又在黃門之前侍中版奏外辦太僕卿奮衣而升正  
 立執轡皇帝服通天冠青紗袍夏絳紗李夏士王之日黃玉佩赤玉季夏士王之日佩黃玉秋佩白玉冬佩元玉御輿以出曲直華蓋警蹕侍衛如常  
 儀皇帝將出仗動太樂令令撞黃鐘之鐘右五鐘皆應

協律郎跪俛伏舉麾鼓祝奏太和之樂千牛將軍前執  
 轡皇帝升輅太僕卿立授綬侍中中書令以次侍如常  
 儀黃門侍郎進當鑾駕前跪奏稱黃門侍郎臣某言請  
 鑾駕發引俛伏興退復位凡黃門侍郎奏請皆進當鑾駕前跪奏稱具官某言俛伏興鑾駕動  
 又稱警蹕黃門侍郎與贊者夾引以出千牛將軍夾路  
 而趨駕至太極門偃麾夏啟樂止出太極門鼓祝奏采  
 芡之樂出嘉德門夏啟樂止凡樂皆協律舉麾工鼓祝而復作偃麾夏啟而後止至順天  
 門外于明堂讀令則至承天門侍臣上馬所黃門侍郎奏請鑾駕權停勅  
 侍臣上馬侍中前承詔退稱制曰可黃門侍郎皆上馬  
 諸侍衛之官各督其屬左右翊駕在黃麾內符寶郎奉  
 六寶與殿中監後部從侍中中書令以下夾侍于輅前  
 贊者在奉供官人內侍臣上馬畢黃門侍郎奏稱請勅  
 車右升侍中前承制退稱詔曰可黃門侍郎退復位千



牛將軍升訖黃門侍郎請鑾駕發引退復位鑾駕動稱警蹕鼓傳音如常鼓吹振作而行其從駕官在元武隊如常儀

讀令

其日依時刻諸衛勒所部屯門列仗及青陽左个之庭如常仲春青陽太廟之庭季春青陽右个之庭孟夏明堂左个之庭仲夏明堂六廟之庭季夏明堂右个之庭孟秋總章左个之庭仲秋總章太廟之庭季秋總章右个之庭孟冬元堂左个之庭仲冬元堂右个之庭先置羣官俱集次各服其服駕將至典謁各引先置羣官俱就門外位駕至大次門外迴輅南向千牛將軍降立于輅右侍中進當鑾駕前跪奏稱侍中臣某言請降輅俛伏興還侍位皇帝降輅御輿之大次織扇華蓋侍衛警蹕如常儀典謁引文武五品以上從駕之官皆就門外位太樂令帥工人入就位協律郎入就舉麾位典儀帥贊者先入就位典謁

引羣官非升座者入就位刑部郎中以月令置于案覆以靶令史二人俱絳公服對舉案立于武官五品以上

東南郎中立于案後北面夏合史對舉案于五品武官西南郎中立于案後南面冬于武官東北侍中版奏外辨皇帝御輿出次曲直華

蓋侍衛警蹕如常儀入自青龍門夏入自朱雀門秋入自白虎門冬入自玄武門皇帝

初入門太樂令合撞鞀賓之鐘左五鐘皆應鼓祝奏太

和之樂皇帝自寅陞夏升自巳陞秋升自申陞冬升自亥陞入即御座東向坐夏南

樂止典儀一人升立于左个東北南向夏東南西南向秋西南典

謁引公王以下入就西面位夏北面位秋東上公初入門舒

和之樂作凡公行皆作舒和之樂公至位樂止羣官立定典儀曰再拜

贊者承傳凡典儀有詞贊者皆承傳在位者皆再拜侍中前跪奏稱侍中

臣某言請延公王等升俛伏興又侍中稱制曰可侍中



詣左个東北南面夏東南西南西面秋西南北面冬西北東面稱詔延公王等升堂上

與儀承傳堂下贊者又承傳在位皆再拜典謁者以次

引西面位者夏典謁引北面位者秋引東面位者冬引南面位者各詣其階公初行樂作

至解劍席樂止公王以下俱升席跪解劍俛伏興脫舄

通事舍人各引升立于座後刑部郎中奉案進立于卯

陛下侍中跪奏請讀月令俛伏興又侍中稱有制曰可

侍中退復位刑部郎中再拜就解劍席跪解劍俛伏興

脫舄取令持案者仍立于下通事舍人引刑部郎中奉

令升自卯陛詣席南北向跪置令于案俛伏興立于席

後堂上典儀唱就座公王以下及刑部郎中竝就座俛

伏興坐刑部郎中讀令每句一絕使言聲可了讀令訖

堂上典儀唱可起公王以下皆起通事舍人引公王以

下及刑部郎中俱降刑部郎中以令置于案與羣官俱

跪佩劍俛伏興納舄典謁各引還本位公初行樂作至

位樂止立定典儀曰再拜在位者皆再拜典謁引西面

位者出夏北南面公初行樂作出門樂止侍中跪奏稱侍

中臣某言禮畢俛伏興還侍位皇帝興太樂令撞黃

鐘之鐘右五鐘皆應太和之樂作皇帝降座御輿出之

便次警蹕侍衛如來儀出門樂止典謁引南北面位者

以次出夏引東西面秋引南

春令

其文具小戴禮篇故不繁載

鑾駕還宮

皇帝既還大次侍中版奏請解嚴將士不得輒離部位皇帝停大次

一刻頃搥一鼓為一嚴轉仗衛于還塗如來儀三刻頃

搥二鼓為再嚴將士布隊仗侍中版奏請中嚴五刻頃

搥三鼓為三嚴謁者贊引各引羣官序立于次前文武



侍臣詣大次奉迎乘黃令進金輅于大次門外南向夏北

西向冬千牛將軍立于輅右侍中版奏外辦太僕卿升執

轡皇帝御輿出次繖扇侍衛警蹕如常儀皇帝升輅太

僕卿立授綬黃門侍郎奏稱請鑾駕發引退復位鑾駕

動稱警蹕如來儀黃門侍郎贊者夾引千牛將軍夾路

而趨至侍臣上馬所黃門侍郎奏稱請鑾駕權停勅侍

臣上馬侍中前承詔退稱制曰可黃門侍郎退稱侍臣

上馬贊者承傳文武侍臣皆上馬訖黃門侍郎奏稱請

勅車右升侍中稱制曰可黃門侍郎退復位千牛將軍

升訖黃門侍郎奏稱請鑾駕發引退復位鼓傳音鑾駕

動鼓吹振作而還文武羣官皆從如來儀鑾駕至承天

門外侍臣下馬所鑾駕停文武侍臣皆下馬千牛將軍

降立于輅右訖鑾駕動千牛將軍夾輅而趨駕入嘉德

門太樂令令撞蕤賓之鐘左五鐘皆應鼓祝奏采茨之

樂至太極門夏啟樂止入太極門鼓祝奏太和之樂駕

至橫街北當東閣迴輅南向侍中進當鑾駕前跪奏稱  
臣某言請降輅俛伏興還侍位皇帝降輅御輿以入繖  
扇侍衛警蹕如常儀侍臣從至閣夏啟樂止初文武羣  
官至朝堂通事舍人承旨勅羣官並還皇帝既入侍中  
版奏請解嚴叩鉦將士各還其所

皇帝於太極殿讀五時令

禮部

禮部尚書先讀令三日奏讀時令承以宣告前一日尙  
舍奉御設御幄座于太極殿北廂南向尙舍直長設一  
品以下五品以上及諸司長官座于殿上文東武西重  
行相向北上無長官者次官一人升判官不合設刑部郎中讀令座于御座  
西南東向有案去御座二丈設解劍席于東西階下如

觀象授時

三



常儀太樂令展宮懸于殿庭設舉麾位于殿西階之西東向一位于樂懸東南南向並如朔朝之儀典儀設文武三品以上及應升殿者位于南橫街之南道東設武官位于道西俱每等異位重行北向相對爲首非升殿者位于殿庭文東武西如常設典儀位于北橫街之南贊者二人在南差退俱西向奉禮設門外位文官于東朝堂近南西面武官于西朝堂近南東面每等異位重行北上其日依時刻諸衛勒所部屯門列仗及陳于殿庭如常文武官依時刻集朝堂俱就便次各服其服侍中量時版奏請中嚴鈸戟近仗入陳于殿庭太樂令帥工人入就位協律郎就舉麾位諸侍衛之官入服其器服符寶郎奉寶詣閣奉迎典儀帥贊者入就位典謁引羣官各就門外位刑部郎中以時令置於案覆以帊令

史二人俱公服對舉案立于右延明門內道北郎中立于案後東面典謁者引非升殿者入就位侍中版奏外辦皇帝服通天冠絳紗袍御輿出自西房曲直華蓋警蹕侍衛如常儀皇帝將出仗動太樂令撞黃鐘之鐘右五鐘皆應協律郎跪俛伏舉麾鼓祝奏太和之樂皇帝出自西房卽御座南向坐符寶郎奉寶置于御座如常儀偃麾夏啟樂止典儀一人升就東階上西面立侍臣夾侍如常儀典謁引公王以下入就北面位公初入門舒和之樂作至位樂止羣官立定典儀曰再拜贊者承傳在位者皆再拜侍中前跪奏稱侍中臣某言請延公王以下等升俛伏興又侍中稱制曰可侍中詣東階上西向稱詔延公王等升殿上典儀承傳階下贊者又承傳在位者皆再拜典謁以次引北面位者詣東西階



公初行樂作至解劍席樂止公王以下俱升席跪解劍  
 俛伏興脫舄通事舍人以次引升殿者立于座後刑部  
 郎中引案進立于西階下侍中跪奏請讀時令俛伏興  
 又侍中稱制曰可侍中退復位刑部郎中再拜就解劍  
 席跪解劍俛伏興脫舄取令持案者仍立于階下通事  
 舍人引刑部郎中奉令升自西階詣席西東向跪置令  
 于案俛伏興立于席後殿上典儀唱就座公王以下及  
 刑部郎中並就座俛伏興刑部郎中讀令每句一絕使  
 言聲可了讀令訖殿上典儀唱可起公王以下皆起通  
 事舍人引公王以下及刑部郎中俱降刑部郎中以令  
 置于案興羣官俱跪佩劍俛伏興納舄典謁各引還本  
 位典儀曰再拜在位者皆再拜典謁引北面位者出持  
 令案者自右延明門而出侍中跪奏稱侍中臣某言禮

畢俛伏興還侍位皇帝興大樂令令撞蕤賓之鐘左五  
 鐘皆應太和之樂作皇帝降座御輿入自東房警蹕侍  
 衛如來儀從至閣樂止典謁引東西面位者以次出  
春令同讀秋令與冬令同設刑部郎中讀令座于御座東南西向令案立  
 于右延明門內道北郎中立案後西面升降自東階餘與讀春令同 皇帝  
 若御翼善冠則羣官皆袴褶服陳解劍席若不設樂懸  
 去警蹕

通典乾元元年十二月丙寅立春御宣政殿命太常卿  
 于休烈讀春令常參官五品以上正員並升殿與坐  
 右後漢至唐讀時令



五禮通考卷第二百

五禮通考卷第二百一

內廷供奉禮部右侍郎會纂舊禮編輯

李經纂禮部右侍郎會纂舊禮編輯

嘉禮七十四

體國經野

翰林院編修嘉定錢大昕

直隸按察司副使元和宋宗元

參校

蕙田案周禮六官之職皆冠以辨方正位體國經野而夏官職方氏掌天下之圖以掌天下之地著其疆域山藪川浸人民畜牧之事最詳朱子儀禮經傳王朝禮有制國建侯二篇蓋亦為國以禮之一鉅典也第古今沿革既多載籍浩衍虞書九共先儒以為九邱其篇軼矣今虞書禹貢周禮及史記河渠書班史地理志而下列代史志以及桑氏欽水經



杜氏佑通典元和郡國志寰宇記鄭氏樵通志馬氏端臨通考王氏應麟通釋下至各省府州縣志書並遊覽記載之語不可勝數其言猶河漢而無極也近代為專家之學者有胡氏渭閣氏若據黃氏儀研精地理於經皆有著述其功賢於曩哲今為舉其要領自虞十二州夏禹貢商九有周職方春秋三傳凡地之見於經者集諸賢之說略為箋疏以通古今之郵而禹貢以山川定疆界為萬世不可易之書其中如九河三江九江黑水等論議紛如有關經義而導河一節尤為列代治河之祖特詳著之秦漢而下史志無缺第摘其統要以見於後云

書舜典肇十有二州封十有二山濬川

傳禹治水之後舜分冀州為幽州并州分青州

為營州始置十一州封大也每州之名山殊大者以為其州之鎮有流川則深之使通利疏禹貢治水之時猶為九州今始為十二州知禹治水之後也以境界太遠始別置之周禮職方氏九州之名有幽并無徐梁幽并山川於禹貢皆冀州之域知分冀州之域為之也爾雅釋地燕曰幽州齊曰營州齊即青州之地知分青州為之於此居攝之時始置十有二州蓋終舜之世常然宣三年左傳云昔夏之力有德也貢金九牧則禹登王位還置九州其名益如禹貢

朱子曰舜攝帝位命禹平水土以冀青地廣分冀東

恆山之地為并州

恆山在今直隸真定府定州曲陽縣西北百四十五里并州直隸真定保定府山西太原大同府境是

又東北醫無閭之地為幽州

醫無閭山在盛京廣甯縣西五里幽州今直隸順天永平府及遼東

之版又分青州東北遼東之地為營州

遼東地在遼水東也營州即遼東定遼等衛

胡氏渭曰舜典肇十有二州傳禹治水之後舜分冀

州為幽州并州分青州為營州始置十二州正義云

以境界太遠始別置之馬融曰禹平水土置九州舜

以冀州之北廣大分置并州燕齊遼遠分燕置幽州

分齊為營州於是為十二州

見史記集解鄭康成曰舜以青



州越海分齊為營冀州南北太遠分衛為并燕以北  
 為幽金氏通鑑前編曰九州之來舊矣而冀為其北  
 自陶唐都冀其聲名文教自冀四達冀之北土所及  
 固廣矣及水土既平人民加聚於是分冀州自衛水  
 以北為并州醫無閭之地為幽州碣石以東接青州  
 之北為營州是為十二州焉考詩書傳記所紀其後  
 復為九州蓋九州為正而幽并營不過分統言冀之  
 故地是以殷之制分并為幽合青為營分梁以入于  
 雍荆周之制合梁為雍合徐為青而并與幽冀復三  
 焉略見爾雅詳見職方氏所記職方幽州其山鎮曰  
 醫無閭其川河泐并州其山鎮曰恆山其川虜池嘔  
 夷然則營州其山碣石其川遼水與渭案虜池即衛  
 水嘔夷即恆水也康成云分衛為并殊不分明通典

指為衛水以北而金氏因之復舉恆山虜池以證尤  
 確若以為康叔所封之衛則并冀當以衡漳為界而  
 冀域北盡於平陽無是理也

又曰日知錄曰幽并營三州在禹貢九州之外先儒謂以冀青二州地廣而分  
 之殆非也幽則今涿易以北至塞外之地并則今忻代以北至塞外之地營則  
 今遼東大甯之地其山川皆不載之禹貢故靡得而詳然而益稷之書謂彌成  
 五服至于五千則冀方之北不應僅數百里而止遼東地理志言幽州在渤海  
 之南并州北有代朔營州東醫遼海營衛志言冀州以南歷淇水之變夏后始  
 制城郭其人土著而居洋營以北勁風多寒隨陽遷徙歲無甯居曠土萬里或  
 其說之有所本也劉三吾書傳謂因高山大川以為限之意蓋幽并營三州皆  
 分冀州之地今亦未有考謂管與閭百詩論及此事百詩曰甯人著書言幽  
 在今桑乾河以北至涿州并在今石嶺關以北至豐勝二州營在今遼東  
 大甯並有塞外之地於益至此始有先儒謂以冀青地廣而分者殆非予時同  
 客太原面質之曰此不過從華者始也臆度耳其實周禮職方氏并州其澤藪  
 曰昭余祁在今介休縣東北二十二里俗名郭城泊吾與君所共游者非石  
 嶺關以南乎且亦知先儒之釋經苦心處乎知分冀東恆山之地為并州則以  
 周并州鎮曰恆山故知分冀東北醫無閭之地為幽州則以周幽州鎮曰醫無  
 閭故又知分青東北遼東等處為營州則以爾雅釋地齊曰營州故也不然微  
 周禮爾雅二書欲于禹九州外校舉舜三州之名且不可得况疆理所至哉鄭  
 康成云舜以青州越海分置營州晉地理志同然以青之分而為營也不獨以  
 地廣實以吏民難于涉海故別置一州以避其險漢光武以遼東等郡屬青州  
 後遼幽州與明嘉靖十三年改遼陽附順天鄉試者略同蓋古今情形亦不相  
 遠云今案恆山虜池嘔夷皆并之山川而載于禹貢安得謂其地非冀域自



此以北禹功所未及故醫無閭不書非以其山在外國而略之也經紀揚州止于震澤豈可以會稽之山不載禹貢而謂浙江以前非揚域耶幽為冀之東北境也明甚後漢書及杜氏通典皆以嶠夷地在漢樂浪元菟郡界而青州首書嶠夷既略則朝鮮句麗諸國禹時實皆在青域况遼東渡海僅數百里乎堯遭洪水天下分絕謂冀之東北前閉而後通前距而後服於理亦無礙但不可謂三州之地從右所未有至舜而始開耳且禹嗣成五服至于五千自堯都北當有二千五百里之地三州非其固有冀北要荒二服將何所容哉先儒釋經未必皆是苟有確據不妨改從若此之類則又不加仍舊之為安矣

蕙田案漢地理志云黃帝旁行天下方制萬里畫野分州得百里之國萬區帝王世紀云冀兗青徐荆揚豫梁雍顓帝所建帝嚳受焉通典宗其說亦謂顓帝置九州其說不見於經然祭法云共工氏之霸九州也其子曰后土能平九州則九州之名由來已久然刪書斷自唐虞故今以舜十二州為首至淮南墜形訓所稱天地之間九州東南神州曰農土正南次州曰沃土西南戎州曰滔土正西兗州曰并土正中冀州曰中土西北台州曰肥土正北濟州曰成土東北薄州曰隱土正東陽州曰申土周禮疏亦云自神農以上有大九州桂州迎州神州之等至黃帝以來德不及遠惟於神州之內分為九州此與騶衍說中國名為赤縣神州赤縣神州內自有九州中國外如赤縣神州者九有神海環之一區中為一州如此者九乃有大瀛海環其外之說相似皆儒者所弗道今西洋人所繪坤輿全圖準南北極黃赤道度數渾圓之內海外之地正與淮南騶衍之義同莊子云存而不論可謂善於持論者矣

地理通釋帝堯都世紀帝堯始封於唐今中山唐縣



是也堯山在焉郡縣志定州唐縣古唐侯國堯初封於此今定州北有故唐城唐水在西北入

唐河南有望都縣山即堯母慶都之所居也相去五十里都山一名互山北在唐縣南張晏以堯山在唐東北望都北史記堯作後又徙晉陽今太原縣也於周在

并州之域通志今平定軍有古晉陽城是其地及為天子都平陽於詩風為

唐國武王子叔虞封焉季札聞唐之歌曰思深哉其

有陶唐氏之遺民乎括地志今晉州所治平陽故城

是也輿地廣記晉州臨汾縣本平陽府改平陽河水一名晉水韋昭云陶唐昔國名或曰堯先居陶後居唐陶今廣濟軍定陶縣唐今中山府唐縣猶有唐城有焉或曰唐城在絳州翼城西二里括地志定州唐縣堯後所封漢書音義唐今河東永安去晉四百里即虜也詩謂曰唐帝堯舊都之地今日太原晉陽堯始居書惟彼陶唐有此冀方正義堯都平陽舜都蒲

此後遷河東平陽通志曰自開關以來皆河南建都雖黃帝之都堯舜禹之都於今皆為河北在昔皆為河南大河故道自碣石入海碣石今平州也所以幽燕之邦莫并之壤皆為河南地周定王五年以後河道遷滄海漸移南流至漢元光三年徙從頓邱入渤海漸海今濱滄海間也

帝舜都史記舜耕歷山書帝初于歷山往于田郡國志河東蒲坂處括地志蒲州河中府河東縣雷首山亦名歷山南有舜井又越州餘姚縣有歷山亦并濮州雷澤縣有歷山舜井又有姚墟云生舜處也越州外城中有舜

井城北有歷山皆云舜所耕處未詳也南豐曾氏曰鄭康成釋歷山在河東世之好事者因媯水出於雷首遂就附益謂歷山為雷首之別號不考其實矣孟子謂舜東夷之人則陶漁在濟陰作什器在魯東門就時在衛耕歷山在齊皆東方之地合於孟子圖記謂齊之南山為歷山舜所耕處故其城名歷城今濟南府

漁雷澤括地志雷夏澤在濮州雷澤縣郭外西北鄭康成云在濟陰地府志禹貢雷澤在濟陰成陽縣西北墨子曰舜漁于濮澤通典澤州陽城縣陶河濱皇甫謚曰濟陰定陶西南陶邱亭是也今廣濟軍括地有濮澤水陶河濱志陶城在蒲州河東縣北三十里即舜所都也南去歷山不遠何作什器於壽邱壽邱在魯東門之北今在兗州曲阜就時

必定陶孟子云遷於負夏堯典釐降二女于媯汭媯水名在今縣出歷山入河爾雅水北曰汭括地志媯州有媯水源出城中者舊傳曰即舜媯汭水經注世本曰舜居饒內在漢中西城或言媯墟在西北舜所居也通典

金州西城縣有媯墟帝王世紀謂之姚墟世本曰饒汭古文尚書周語羸內音媯汭括地志又云姚墟在濮州雷澤縣東十三里會稽舊記云上虞三十里有姚邱即舜

嬪于虞括地志故虞城在陝州河北縣東北五十里虞山之上所生也嬪于虞今平陸縣皇甫謚曰堯以二女妻舜封於虞今河東太

陽山西虞城是也舜居虞地以虞為氏郡國志太陽有吳山上有虞

世紀舜

所營都或言蒲坂即河東縣今河中府南二里河東縣界蒲坂故城是也或言平陽今晉州城是也或

言潘今上谷媯州城是也外紀都蒲坂

右虞十二州

禮國經野

五



書禹貢禹敷土隨山刊木奠高山大川傳洪水汎濫禹分佈治九州之土隨行山林斷

木通道高山五岳大川四瀆定其差秩祀禮所視

蔡氏集傳敷分也分別土地以為九州也奠定也定高山大川以別州境也

冀州

雖指傳曰堯所都也正義曰史傳皆云堯都平陽五子之歌云惟彼陶唐有此冀方是冀州堯所都也又曰兗州云濟河自東河以東也豫州云荆河自南河以南也雍州云西河自西河以西也明東河之西西河之東南河之北是冀州之境也

地理今釋冀州今山西之太原平陽汾州潞安大同五府澤遼沁三州直隸之順天永平保定廣平順德宣化六府及真定河間二府西北境大名府濬縣西

境盛京之錦州府河南之懷慶衛輝彰德三府其北直抵塞外陰山下西起東受降城今蒙古名薩爾兀村之北東訖

於大遼水也

胡氏渭曰堯都平陽今山西平陽府臨汾縣西南平陽故城是也冀西距河河自今塞外東受降城南而東至山西大同府廢東勝州界折而南經平虜衛及太原府之河曲保德興縣汾州府之臨縣永甯甯鄉石樓平陽府之永和大甯吉州鄉甯河津營河臨晉蒲州是為西河與雍分界冀南亦距河河自蒲州過雷首山折而東經芮城平陸垣曲及河南懷慶府之濟源孟縣溫縣武陟衛輝府之獲嘉新鄉汲縣是為南河與豫分界冀東亦以河與兗分界自周定王五年河徙之後禹河故道堙廢而冀兗之界難



分今案漢志魏郡鄴縣下云故大河向在東北入海故大河者即王橫所云禹之行河水本隨西山下東北去者也河自汲縣南東北流至黎陽縣西南出大

伾上陽三山之間大伾山一名黎陽山今在濬縣東南二里即賈讓所謂東山也枉入山一名善化山在縣西北一十里俗名上陽三山濬縣舊志云在縣西十里蓋禹迹也河徙即賈讓所謂西山也

東故稱此自此而北歷蕩陰安陽鄴縣斥邱東接內黃魏縣至列人斥章之境左會衡漳經所謂北過降水也應劭曰斥章縣漳水出治

北人河杜佑曰漳水橫流至肥鄉縣界入河斥章今曲周縣地肥鄉漢列人縣地蓋漳水出二縣境注於河也河自此東北入海及定王時南徙則衡漳東出循河故道而下至東

光縣西與大河合王莽時河益徙而南漳水遂專達於海蓋禹河之故道也以今輿地言之濬縣屬直隸大名府湯陰安陽臨漳並屬河南彰德府成安肥鄉曲周並屬直隸廣平府平鄉廣宗鉅鹿並屬順德府南宮新河冀州並屬直隸定府東鹿屬保定府深州衡水

武邑武強並屬真定府阜城獻縣交河滄州青縣靜海大津並屬河間府皆禹時冀東瀕河之地中流與兗分界王制謂

之東河北播為九河其經流爾雅謂之徒駭又同為逆河東至碣石入海後世謂之渤海者也

蕙田案冀之東西南皆距河與雍豫兗分界處胡氏考之詳矣若冀之東北與青分界及冀之北境則傳記俱無可考胡氏謂遼東為

青城遼西為冀域而北當至陰山近是

既載壺口治梁及岐

錐指傳曰壺口在冀州梁岐在雍州從東循山治水而西正義曰漢書地理志云壺口在河東北屈縣東

南梁山在左馮翊夏陽縣西北岐山在右扶風美陽縣西北然則壺口西至梁山梁山西至岐山從東而



向西言之也

地理今釋壺口今山西平陽府吉州西南七十里有  
壺口山黃河之水注其中如壺然案孔傳梁岐在雍  
州今陝西西安府韓城縣西北九十里之梁山鳳翔  
府岐山縣東北四十里之岐山也蔡傳疑雍州之山  
不當載於冀州指今山西汾州府永甯州東北之呂  
梁山一名骨脊山者為梁山汾州府孝義縣西之狐  
岐山一名薛頡山者為岐山然二山去河甚遠不得  
謂河水所經曾攷云壺口梁岐一役也其施功皆同  
時不可分言於二州故并言於冀州得此可釋蔡氏  
之疑

胡氏渭曰吉州漢北屈韓城則夏陽岐山則美陽也  
尸子呂氏春秋淮南子皆言龍門未關呂梁未鑿河

出孟門之上龍門之上口為孟門在今吉州西西直  
陝西延安府之宜川縣其下口即今河津縣壺口山  
盡處近世亦謂之龍門者也西與韓城之龍門相對  
上口至下口約一百六十餘里三子所稱呂梁山即  
禹貢之梁山也春秋成公五年梁山崩公羊曰梁山  
河上山穀梁曰壅遏河三日不流水經河水南至龍  
門口注云昔大禹導河積石疏決梁山謂斯處也即  
經所謂龍門矣冀州有三壺口一在吉州西南禹  
貢之壺口也一為汾陰縣西南之平山平水所出亦  
名壺口山又名姑射山酈道元謬以為尚書之壺口  
一在長治縣東南左傳哀四年齊國夏伐晉取壺口  
杜注潞縣東有壺口關潞縣即今潞城縣關以山為  
名此二山皆非禹貢之壺口也雍州有二梁山一在



韓城縣西北詩所云奕奕梁山也一在乾州西北西南接岐山縣界即孟子云太王居邠踰梁山者非禹貢之梁山也元和志異以此山爲治梁之梁壺口山漢志在北屈縣東南括地志云在吉昌縣西南五十里吉昌今吉州也後魏延興四年於此置定陽郡及縣元和志云北屈故縣在定陽郡二十里正今州直北之地山當在其西南漢志云東南誤也梁山漢志在夏陽縣西北而諸志所言皆不同蓋是山綿亘百里自今郃陽縣西北抵韓城縣西北之麻線嶺皆梁山然向南則益西而去河愈遠唯韓城西北之山首枕西河北連龍門當以是爲禹鑿之迹耳

蕙田案胡氏考梁岐在雍州較蔡傳爲優觀承案治梁及岐仍以冀州之呂梁狐岐二

山爲是方序冀州不應越冀而攙入雍州之山也夫治水施功當自下流始則宜首事於竟因尊帝都故先冀而下文即次以竟可徵何得既尊帝都倏爾突入雍州上游吾恐下流未洩而上游之水忽來則帝都不將反爲其壑乎則此亦統言壺口既載而呂梁狐岐諸山亦經略而整理之不必專以治河爲言也即專主治河亦不必專以河岸之山爲事也即如其說梁山枕河而岐山在鳳翔則去河亦已遠矣何獨呂梁狐岐宜以遠河爲嫌耶

既修太原至于岳陽

雖指傳曰高平曰太原今以爲郡名岳太岳在太原



西南山南曰陽正義曰太原原之大者漢書以爲郡名卽晉陽縣是也下文導山云壺口雷首至於太岳知此岳卽太岳也地理志河東毓縣有霍太山周禮職方氏冀州其山鎮曰霍山卽此太岳是也

地理今釋太原卽晉陽縣也今山西太原縣是東北去太原府治四十里蔡傳以爲今河東路太原府者亦統同言之也岳陽太岳一名霍太山今爲中鎮在山西平陽府霍州東三十里山周二百餘里南接岳陽趙城二縣北接靈石縣東接沁源縣界

胡氏渭曰岳陽就附近山南者言之則爲今岳陽趙城二縣蔡氏主岳陽一縣固非然經之所指亦不止此二縣揚雄冀州牧箴曰岳陽是都則堯都平陽亦岳陽也且如華山之陽附近者爲商州而山南之地

非商州所可盡衡山之陽附近者爲衡陽縣而荆之南界非此縣所可盡至若岷山之陽更不知其所屆安得專指灌縣爲岷陽哉夫岳陽亦猶是也直抵南河又何疑焉

閻氏若璩曰後至於太岳專指山言此至於岳陽陽字所包者廣蓋旣修太原二句直舉一千餘里用功而言也

蕙田案岳陽胡氏閻氏之說是

覃懷底績至于衡漳

錐指傳曰覃懷近河地名漳水橫流入河從覃懷致功至橫漳正義曰地理志河內郡有懷縣在河之北蓋覃懷二字共爲一地故云近河地名衡卽古橫字漳水橫流入河故云橫漳漳在懷北五百餘里地理



志清漳水出上黨沾縣濁漳水出長子縣東至鄴縣入清漳

胡氏渭曰懷縣故城在今河南懷慶府武陟縣西衡漳一名降水其入河在今直隸廣平府肥鄉曲周二

縣界經所謂北過降水者也漢志鄴縣東有故大河河北入海又廣平斥章縣注應劭曰漳水出治北入

河通典云衡漳入河在肥鄉縣界蓋河由鄴東而北漳從鄴北橫流至肥鄉斥章二縣界入河故酈氏以

為禹貢之衡漳也以今輿地言之濁漳水出山西長子縣發鳩山縣在潞安府西少南五十里東流經長治縣西又東北經

屯留潞城襄垣黎城平順又東經河南林縣至涉縣東南清漳水注之清漳出山西樂平縣沾嶺縣在太原府平定縣東南南流經和順遼州黎城又東經河南林縣

至涉縣與濁漳合流東經安陽彰德府治臨漳在府東北八十里又東北經直隸成安縣在廣平府西南二十里入肥鄉曲周二縣界肥鄉在府東南

四千里曲周在府東北四十里禹貢之漳降盡於此矣地理今釋覃懷今河南懷慶府地通典云懷州禹貢覃懷之地是也衡漳清漳水出今山西太原府樂平

縣西南三十里沾嶺水經注所謂少山大黽谷也東南至河南彰德府涉縣交漳口會濁漳水又東北流

入直隸界至廣平縣分二支一支東行入衛河一支為經流東北行經山東邱縣界復分二支一支北行

入大陸澤一支為經流東北行經直隸清河阜城交河至青縣合衛河北流至天津西沽合桑乾諸水東

行入海所謂老漳河也其一支入大陸者亦東北行至天津西沽合諸水入海所謂新漳河也濁漳水出



今山西潞安府長子縣西五十里發鳩山亦東南流至交漳口會清漳

觀承案衡漳有清濁二水濁漳出山西長子縣西五十里之發鳩山清漳出山西樂平縣西南二十里之少山皆經潞安府入河南彰德府至臨漳縣合流為交彰口由磁州入直隸境陸清獻畿輔地圖記謂漳河自磁州三臺口為二支一支東流入成安縣逕肥鄉抵曲周合滏陽河一支北流入邯鄲縣逕永年至曲周合滏陽河歷雞澤平鄉任縣隆平甯晉至冀州匯滹沱河康熙中漳河南徙惟滹滏匯流今成安故瀆土人稱古漳河而廣平邱縣清河南宮武邑武強阜城交河皆有漳

河舊瀆稱老漳河廣宗鉅鹿亦有漳河舊瀆稱小漳河大抵古漳河老漳河皆當日之經流而小漳河則其支流也又大名府有新舊二漳河皆自魏縣流入新漳又舊漳之支流也

又案舊時漳河自臨漳縣東北入直隸廣平府境歷成安廣平肥鄉曲周雞澤過平鄉合沙洛諸河過南河合澧河至任縣入大陸澤歷隆平寧晉新河南宮冀州衡水武邑武強阜城交河合滹沱河此其經流也其自臨漳縣東入直隸大名府境歷魏縣大名東北入山東東昌府境至館陶入衛河者其支流也今則經流幾絕支流日盛益自黃河南徙漳



行河之故道漳復南徙以支流爲經流亦古今水道一大變更也

又案漳河水經注亦曰衡水今衡水縣古時爲漳河下流以此得名下文導河云北過洛水水經注引地理志曰洛水發源屯留下亂章津是乃與章俱得通稱方輿紀要冀州有洛河枯瀆又漳水至甯晉縣歷南宮冀州衡水武邑武強又名胡盧河又新河縣長蘆水卽漳河支流也武強縣有夾河洛水別名也括地志濁漳水亦名柳河歐陽恣曰漳河過魏縣亦謂之魏水畿輔地圖記謂衡水爲直隸諸河之綱直隸西南諸水莫大於漳與滹沱而皆入衛錐指謂永濟渠卽古之清河漢志之國水水經之清淇二水曹公自枋頭遏淇水爲白溝一名白渠隋導爲永濟渠一名御河今稱衛河者也水經注清河卽淇河口也蓋互受通稱耳又云白溝又東北漳水注之謂之利漕口自下清漳白溝淇河咸得通稱也方輿紀要御河源出河南輝縣西北七里之蘇門山過衛輝府東北入直隸大名府濬縣境謂之白溝亦曰通濟渠一名永濟渠卽隋大業中所開淇衛諸水之下流也亦曰御河又曰清河寰宇記衛河淇水合流亦曰黎水又曰濬水今全漳皆入衛至山東臨清州合會通河東北入於海

恆衛旣從大陸旣作



錐指傳曰二水已治從其故道大陸之地已可耕作  
正義曰地理志云恆水出常山上曲陽縣東入滏水  
衛水出常山靈壽縣東入滏泚大陸在鉅鹿縣北釋  
地十數云晉有大陸孫炎等皆云今鉅鹿縣廣阿澤  
也

胡氏渭曰上曲陽今為曲陽縣屬直隸真定府之定  
州其故城在縣西靈壽縣今屬真定府其故城在縣  
西北恆即滏水衛即滏泚也古今異名耳

地理今釋恆水一名長溪源出恆山自直隸真定府  
阜平縣龍泉關北迤邐流經大派山為大派水亦曰  
沙水又東南至保定府邢州界合滋河入於唐水唐  
水即滏水也衛水今名雷溝河出真定府靈壽縣良  
同村南流至縣東南入滏泚河大陸一名廣阿澤跨

今直隸保定府東鹿縣

元和志大鹿澤一名鉅鹿澤

深州鹿城縣南順德府鉅鹿縣

元即志大鹿澤一名鉅鹿澤

在邢州鉅鹿縣西北五里

通志趙州昭慶縣有大陸澤

縣東二

甯晉縣明一統志甯晉縣有

深州

通志深州陸澤縣禹貢大陸澤

十五里

上承滏泚滏陽漳唐諸河水匯為巨浸又東北

流為新漳河至大城縣為子牙河至天津衛入海漢

書溝洫志禹之行河水本隨西山下東北去鉅鹿正

在西山之下自是大河所經程大昌以為鉅鹿去河

絕遠未嘗逕邢以行非也當從孫炎之說為是

胡氏渭曰周禮職方氏并州山鎮曰恆山其川虜池

嘔夷嘔夷即後世所謂滏水也山海經曰高是之山

滏水出焉東流注於河漢志代郡靈邱縣下云滏河

東至文安入大河文安屬勃海郡寰宇記云文過郡五行九百

四十里并州川禮記晉人將有事於河必先有事於



惡池注云惡當為虜字誤也山海經曰大戲之山滹池之水出焉戰國策蘇秦說燕曰南有滹沱易水漢志代郡鹵城縣下云虜沱河東至參合入虜沱別并州川從河東至文安入海過郡六行千三百七十里

參合當作參戶蓋傳寫者因郡有參合而誤參合在漢雁門郡平城縣東今大同府陽和衛北鹵城與參合大山隔絕虜沱不得至其地今河間府青縣南有參戶故城應劭云平舒縣西南五十里有參戶亭故縣也水經注漳水自成平縣南又東北左會虜沱別河故瀆又東北合清河又東北逕章武故城西枝瀆出為穢水又東北逕參戶亭分為二瀆一水逕參戶亭北又東北逕平舒縣注虜沱蓋即漢志所謂東至參戶入虜沱別從河東至文安入海者也此

即禹貢之恆衛也然禹主名山川曲陽以下之滹本名恆靈壽以下之滹沱本名衛其出高是泰戲者則恆衛之別源也自周以虜池嘔夷為并州之川其名著而恆衛之名遂隱於是冀州二大川以恆陽溪雷溝河數十里之原委當之蔡氏因目恆衛為小水而經義不可通矣 滹水出代郡靈邱縣西北高氏山

即嘔夷之水也以今輿地言之渾源靈邱廣昌

曲陽屬直隸唐縣定州慶都祁州博野蠡縣高陽安

州新安定州屬任邱屬河間文安屬順天府諸州縣界中皆古滹水

之所行也宋初猶未改自咸平中何承矩興塘灤以限契丹戎馬之足於是始引水歸北而文安之瀆遂空其後滹水仍自蠡縣改流經肅甯河間雄縣任邱以至文安而不復北行明時則又自雄縣改流入霸州保定界為玉帶河不復入文安矣此恆水下流變徙之大略也 滹沱大川也水經當自為一篇頃閱寰宇記鎮州真定縣蒲澤下引水經注云滹沱河水東逕常山城北又東南為蒲澤濟水有梁焉俗謂之蒲澤口又滋水下引水經云滋水又東至新市縣入滹沱河又深州饒陽縣枯白馬渠下引水經云滹沱



河又東有白馬渠出焉又瀛州河間縣大浦淀下引水經注云大浦下導陂溝競奔咸注滹沱是故人因決入之處謂之百道口此四條檢今本無之則似水經元有滹沱水篇宋初尚存而其後散逸滹沱原委不可得詳惜哉歐陽元補正水經序引崇文總目云滹注四十卷亡其卷則後人所折以充其數耳漢志代郡之鹵城常山郡之蒲吾靈壽南行唐新市信都國之信都河間國之弓高樂成勃海郡之成平東光參戶東平舒文安皆有滹沱河弓高樂成參戶又有滹沱別水而發源經過之地未悉今據元和志所載以補水經之闕滹沱水出代州繁峙縣泰戲山一名武夫山在縣東南九十里繁峙本漢後人縣屬雁門郡漢末荒廢晉改置繁峙縣周省隋復置晉瑛滹沱一名派水前氏說文派水出後人縣成夫山郭景純以為鹵城縣武夫山括地志以為孤阜山東宇記以為平山蓋皆泰戲之別名也西南流逕唐林縣東縣東北至代州一百十里本漢廣武縣隋為五臺縣今州西有廣武廢縣蓋即唐林縣界也又西南逕

崞縣東縣東北至代州五十里水去縣二百步又西南逕秀容縣東縣為忻州治水去縣三十二里

東轉逕定襄縣北縣西至忻州四十五里今治即陽曲故城水去縣五里又東逕五臺縣

西南縣西北至代州一百二十里水去縣三十五里又東逕孟縣北縣西南至太原府一百二十里水自五臺縣界流入南又東南逕靈壽縣西南衛水注之縣東至恒州五里

又東南逕靈壽縣西南衛水注之縣東至恒州五里又東南逕真定縣

北縣為恒州治水去縣一里又東南逕九門縣西縣西至恒州三十八里今藁城縣西北二十五里又東逕鼓城

縣北縣西至恒州九十五里水去縣十三里寰宇記云隋開皇六年分藁城地置昔陽縣十八年改為鼓城又東逕深澤

縣南縣西北至定州九十里水去縣二十五里即水合渡光武處俗謂之危渡口又東逕無極縣北縣北至定州八十里水

又東北逕鹿城縣西北縣東至深州二十五里水去縣四十二里與博野縣分水寰宇記滹沱河在博野

又東北逕安平縣南縣東南至深州五十三里水去縣東南三十五里又東逕饒陽縣北縣西至深州三十里水去縣四十五里

又東北逕饒陽縣北縣西至深州三十里水去縣四十五里又東北逕饒陽縣北縣西至深州三十里水去縣四十五里

又東北逕饒陽縣北縣西至深州三十里水去縣四十五里又東北逕饒陽縣北縣西至深州三十里水去縣四十五里

又東北逕饒陽縣北縣西至深州三十里水去縣四十五里又東北逕饒陽縣北縣西至深州三十里水去縣四十五里



入瀛莫二州境而元和志亦闕案寰宇記瀛州河間  
縣西二十里高陽縣東北十四里莫州鄭南二里霸  
州大城縣北一百三十里文安縣西北三十里皆有  
滹沱水此即漢志所云從河東至文安入海者以今  
輿地言之繁時代州崞縣忻州定襄五臺孟縣並屬山西太原府  
靈壽真定藁城深澤無極並屬直隸真定府東鹿博野並屬保定府  
安平饒陽並屬真定府高陽並屬保定府任邱並屬保定府大城文安並屬順天府諸州  
縣界中皆古滹沱水之所行也宋初猶未改白塘灤  
既興引水歸北而文安之瀆堙廢遂以樂成今獻縣之滹  
沱別水為滹沱之正流而故道不可復問明天啟後  
漸徙而南至 本朝順治二年自東鹿南決入冀州  
與漳水渾濤而安平饒陽之地不復有滹沱矣滹沱  
在河北羣川中溢決尤甚未有數年不變而從冀州

合於漳水亦猶黃河之與淮合均為古今水道之極  
變也

觀承案恆入滹衛入滹沱自古而然諸書無  
異獨錐指謂恆即滹衛即滹沱蓋以今恆水  
由唐縣入滹衛水由正定縣入滹沱源流甚  
近不足當禹功荒度故以蔡傳稱小水者為  
非不知滄桑異勢泥今論古多有未合康熙  
二十三年陸清獻宰靈壽為衛水尋源記適  
歲旱源竭以為非但無唐虞之汎濫比班孟  
堅酈道元之時亦迥然不侔又謂今松陽淤  
泥慈汭諸河皆近於衛安知禹時不同匯於  
此豈可據目前所見而遙斷數千年以前之  
形勢此真大儒之言胡氏又謂曲陽以下之



涇本名恆靈壽以下之滹沱本名衛其出高是秦戲者乃恆衛別源言尤鑿空考古者以清獻爲法可矣

又案山海經高是之山涇水出焉水經注涇水出代郡靈邱縣正北高是山卽嘔夷之水也明史地理志渾源州南有翠屏山涇水出焉與嘔夷水合靈邱縣有槍峰山卽高是山嘔夷水出焉其說與二經不同讀史方輿紀要唐河在唐縣西三十里古嘔夷水也與二經合錐指引蔚州志謂州南七里有翠屏山涇水出其東卽高是之別名南接靈邱縣界與明史又異要當以山海經水經爲正又案地理今釋謂恆水自直隸正定府阜平

縣龍泉關北流經大派山爲大派水亦曰沙水云云蓋本晁氏今之恆水西南流至正定府行唐縣東流入於滋之說考沙水發源山西繁峙縣白坡頭流逕直隸阜平曲陽行唐新樂讀史方輿紀要大派山在阜平縣西北五十里稍東爲小派山派音孤以派水所逕而名是山以水爲名畿輔通志沙河流逕大派山又名派水是水以山爲名二說雖不同然恆與沙迥然兩水固不可合而爲一也又案涇水今名唐河出山西靈邱縣入直隸廣昌縣逕唐縣過完縣曲陽定州至祁州合滋沙二水過博野安平蠡縣高陽由安州入白洋淀考水經敘涇水所逕先曲陽後唐縣



今唐河自入倒馬關由唐縣北逕完縣西又由完縣西逕唐縣南再逕曲陽縣東與昔少異當是古今疆域不同故也至山海經謂滏水入河水經謂滏水入易而今入淀蓋滏自合滋沙二水於祁東逕博野蠡縣又東逕肅甯高陽自河間北流歸淀明正德中蘭家圈口北決遂由玉田緒口北入高陽是爲馬家河至安州之桐口村入淀逕肅甯之河遂廢康熙四年又決布裏河北流至安州之馮村入淀馬家河上下流亦淤畿輔通志謂唐河故瀆在河間任邱二縣境此合易之故瀆也自明迄今入淀之處又凡再徙而入河故瀆不可考矣此恆水下流之變遷也

又案衛水出靈壽縣良同村流四十里入滹沱滹沱出山西太原府繁峙縣秦戲山由雁門入直隸流逕二省幾及千里大小判別尤非恆滏之比故水經於恆滏有通稱之說而衛滹沱不聞是也陸清獻畿輔地圖記滹沱河在正定府南八里發源山西流經直隸靈壽平山遶正定府城南歷藁城晉州東鹿至冀州會滏漳二河過衡水武邑武強至河間府獻縣爲二支一東流爲鹽河一南流交河縣抵青縣岔河口入衛水經注漳水逕武邑郡南又東逕武強縣北又東北逕武隧故城南白馬河注之上承虜池東逕樂鄉縣北饒陽縣南又東南逕武邑郡北而東入衡水謂



之交津口此滹沱衡漳匯流處也方輿紀要  
衡漳滹沱皆入大陸澤正德十年漳徙而南  
明年滹沱徙而北萬曆中滹沱復南徙武強  
合漳河後又匯漳溢於冀州今漳河南徙已  
不復與滹沱匯而滹沱至冀州入溢以大就  
小下流不暢上流之勢彌橫矣

又案方輿紀要饒陽北有鐵燈竿河滹沱自  
此決入蠡縣與滋沙唐混流謂之鐵燈竿水  
是則明代滹沱不徒南匯漳且北匯唐矣所  
謂決入蠡縣者其支流而非經流也方輿紀  
要又謂晉州之鴉兒河饒陽之饒河皆滹沱  
支流云

又案滹沱南徙匯漳河在順治初漳河南徙  
不復與滹沱匯在康熙中其入衛則如故故  
陸清獻以衛白二河為直隸諸河之綱百年  
來水道變遷不一而足然今京北諸河猶皆  
入白京西南諸河猶皆入衛於至變之中有  
不變者存豈非天地自然之道耶

又曰冀州有三大陸一在鉅鹿郡北班固繫諸禹貢  
又名鉅鹿澤呂氏春秋云趙有鉅鹿又名廣阿澤爾  
雅晉有大陸孫炎云今鉅鹿縣廣阿澤是也此真禹  
貢之大陸也一在河內修武縣古甯邑秦置修武縣其  
故城在今獲嘉縣西北左傳  
定公元年魏獻子田於大陸還卒於甯杜預云大陸  
疑即吳澤陂近甯是也一在太原鄆縣今為介  
休縣地班固云  
九澤在縣北是為昭餘祁并州藪酈道元云呂氏春  
秋謂之大陸是也斯二者皆非禹貢之大陸也



觀承案大陸澤雖指考之最悉今在任縣境東北隅纔八百頃耳西南受順廣二府之水北歸甯晉泊泊之大三倍於澤相去三十餘里其間村落碁布秋水時至常苦泛溢考古時大陸澤起自鉅鹿訖於東鹿中跨平鄉任縣隆平甯晉冀州深州而今止任甯二邑已分爲二奪澤之地以田以廬水發無所容焉得不爲民患方輿紀要胡盧河在甯晉縣東南二十里卽禹貢之大陸澤今乃以澤歸任縣而甯晉稱泊亦流俗之譌也

又案禹時大陸爲河所經故一曰大陸既作一曰至於大陸其不言澤者舉澤不足以槩大陸舉大陸則澤在其中省文也爾雅高平曰陸河逕高平之地瀦而爲澤故又曰廣河澤是則澤以地得名胡氏釋禹貢必謂是地非澤固哉高叟之爲詩也

夾右碣石入于河

雖指傳曰碣石海畔山正義曰地理志碣石山在北平驪城縣西南是碣石爲海畔山也蘇氏曰河自碣石山南渤海之北入海夾挾也自海入河逆流而西右顧碣石如在挾掖也  
地理今釋碣石案漢書地理志云大碣石山在右北平郡驪城縣西南武帝紀注文穎云碣石在遼西綦縣綦縣今罷入臨渝此石著海旁蓋驪城卽今直隸永平府撫甯縣綦縣卽今昌黎縣二縣壤地連接杳無碣石蹤迹而海水蕩滅之說又荒誕不可信考肇



域志云山東濟南府海豐縣有馬谷山卽古碣石劉  
文偉亦以馬谷山在古九河之下合於禹貢入河入  
海之文斷爲碣石無疑近世論碣石者惟此說庶幾  
近之

蕙田案碣石自漢志後其說不一據漢志右  
北平驪城縣下云大碣石山在縣西南莽曰  
碣石遼西郡繫縣下云有碣石水南入官不  
言有山及文穎注武紀始有繫縣之說與班  
異其地當在今昌黎縣東繫縣故城之南水  
經曰碣石在遼西臨渝縣南水中酈注云大  
禹鑿其石右夾而納河秦始皇漢武帝皆常  
登之海水西侵歲月逾甚而苞其山故言水  
中矣又云漢司空掾王璜言碣石在海中

而有徵胡朏明宗其說辨論極詳謂今海中  
無此山碣石之亡當在魏齊之世此主海水  
蕩滅之說者也而元王充耘有合口御河入  
海處石山聳立俗呼爲竭石明劉世偉又云  
海豐縣北馬谷山疑卽古之碣石胡朏明皆  
非之至於括地志謂在盧龍縣南唐志及寰  
宇記則又云石城縣有碣石都無足據學者  
闕其疑可也  
觀承案碣石自當闕疑夾右亦不可強解然  
有一說夾卽古陝字此蓋總序冀州貢道西  
自陝右東自碣石俱已入於河入河則達帝  
都矣如西河渭汭總括雍州之例耳此說固  
白可存



胡氏渭曰冀州為中土古軒轅陶唐有虞夏后殷人所都及實沈臺駘孤竹之封皆在焉春秋時可考者

晉古實沈之虛唐人是因以服事夏商及周成王滅之以封弟叔虞為唐侯至于變改名曰晉魏霍冀黎書西化藪黎即此今

城縣揚郇或作賈沈姒蓐黃帝封臺駘于汾川沈姒蓐黃實守其祀路赤狄邲鄆衛

始封在邢共凡原雍邠虞檀温中山鼓肥鮮虞薊北燕

韓無終山戎凡三十五國戰國時屬燕趙魏而秦衛

亦兼得其地秦并天下置三十六郡此為鉅鹿邯鄲

上谷漁陽右北平遼西河東上黨太原代郡雁門雲

中三川北境漢武置十三州此為冀州領郡幽州領郡并州

領郡後漢魏晉竝因之晉冀州領郡國十南北朝土地分裂

增置漸多不可勝紀唐承隋制州即是郡貞觀初因

山川形便分天下為十道開元中又析為十五道此

為河北道之汲郡衛鄴郡相廣平洛鉅鹿邢信都冀

趙郡趙常山鎮博陵定河間瀛文安莫饒陽深上谷

易易范陽幽順義順歸化分順歸德燕媯川媯漁陽薊密

雲嶺北平平柳城營等郡河東道之河東蒲絳郡絳

陝郡陝北平陽晉高平澤上黨潞樂平儀陽城沁大甯

陽文城慈西河汾太原并昌化石雁門代定襄忻安

邊蔚馬邑朔雲中雲等郡又都畿之河內郡懷關內

道之單于大都護府案以上通典所列信都當全屬

兗鄴郡之內黃堯城臨河汲郡之黎陽東境當分屬

兗以今輿地言之山西太原平陽汾州潞安大同五

府澤遼沁三州河南則懷慶衛輝彰德三府唯懷輝之昨

河之南直隸則順天永平保定廣平順德五府及真定

河間二府之西北境當以漢時漳水故道為大名府濬縣之

西境以宿胥故瀆為界又新置宣化府舊為萬及故遼東都



司之西境以大遼水爲界其北則踰塞直抵陰山下西起東受降城之北東訖於大遼水皆古冀州域也

濟河惟兗州

雖指傳曰東南據濟西北距河渭案濟自荷又東北會於汶又北東入於海此兗之東南與豫徐青分界處河自大伾北過降水至於大陸又北播爲九河同爲逆河入於海此兗之西北與冀分界處東南據濟與豫分界當自兗州府之曹州始何以知之案導水濟入河溢爲滎東出於陶邱北又東至於荷荷澤在今定陶縣境經繫諸豫雷夏在今曹州境經繫諸兗故知二澤之間爲兗豫之界也濟水至曹州西分爲二一水東南流爲荷水一水東北流入鉅野澤爲濟瀆春秋僖公三十一年取濟西田左傳云分曹地

自洮以南東傳於濟酈道元云濟水自是東北流出巨澤卽此地也濟水又北過東昌府之濮州范縣東與徐分界又北爲陽穀在平東與青分界轉東爲濟南府之齊河濟陽齊東青城又東爲青州府之高苑博興樂安樂安縣東北一百十里有琅槐故城漢屬千乘郡濟水入海處也南與青分界今歷城以東有小清河卽濟水入海之故道其北爲兗南爲青也西北距河與冀分界河自今河南衛輝府胙城縣北東至直隸大名府濬縣大伾山西折而北經河南彰德府界中又東北經直隸廣平順德眞定河間四府界中東入於海此禹河之故道曲周以下卽漢時漳水之所行也

九河既道

錐指傳曰河水合爲九道在此州界平原以北是正



義曰河從大陸東畔北行而東北入海冀州之東境至河之西畔水分大河東為九道故知在兗州之界平原以北是也釋水載九河之名云徒駭太史馬頰覆釜胡蘇簡絜鉤盤鬲津也漢書溝洫志成帝時河隄都尉許商上書曰古記九河之名有徒駭胡蘇鬲津今見在成平東光鬲縣界中自鬲津以北至徒駭其間相去二百餘里是知九河所在徒駭最北鬲津最南蓋徒駭是河之本道東出分為八枝也許商上言三河下言三縣則徒駭在成平胡蘇在東光鬲津在鬲縣其餘不復知也爾雅九河之次從北而南既知三河之處則其餘六者太史馬頰覆釜在東光之北成平之南簡絜鉤盤在東光之南鬲縣之北也其河填塞時有故道鄭元云今河間弓高以東至平原

鬲津往往有其遺處夏氏曰九河之名出於一時之偶然初無義訓李巡孫炎郭璞皆附會曲為之說渭案漢成平東光屬勃海郡鬲縣屬平原郡弓高屬河間國今直隸河間府交河縣東有成平故城東光縣東有東光故城阜城縣西南有弓高故城山東濟南府德州北有鬲縣故城皆漢縣也蓋河自大陸以北禹疏為九道以殺其勢然後恆衛可得而治大陸盡為良田也

地理今釋案孔穎達九河疏徒駭在成平胡蘇在東光鬲津在鬲縣此祖漢許商徒駭最北鬲津最南之言也其餘六者復據爾雅九河之次謂太史馬頰覆釜在東光之北成平之南簡絜鉤盤在東光之南鬲縣之北蔡傳以太史河不知所在又合簡絜為一與



孔疏異今考直隸河間府滄州自唐迄元滄州治清池縣之西交河縣

漢成平縣之東北六十里有徒駭河漢書地理志所謂滹沱

河民曰徒駭河是也山東濟南府平原縣北有篤馬

河東北經陵縣德平商河隋唐為濟河縣樂陵諸縣界其流或

斷或續相傳即馬頰河也濟南府德州有覆釜河東

北至海豐縣入海河間府東光縣東南有胡蘇河東

經甯津縣唐縣滄州漢饒安縣在州東南慶雲縣隋唐為無棣縣界至海豐縣

入海河間府南皮縣城外有簡河絜河二河相去最

近濟南府樂陵縣東南有鈎盤河自平原德平二縣

界流入至海豐縣東入海德州西南有鬲津河東經

吳橋甯津德平樂陵慶雲諸縣界至海豐縣大沽口

入海其太史河據齊乘在清滄二州之間明一統志

亦云在南皮縣北今其地雖無顯迹然以孔疏參之

明一統志亦非無據蓋九河故道自春秋時已湮廢

遷徙漢唐以來諸儒訪求古迹就所見之斷港絕潢

指為某河某河似乎是非不可知然河自大陸以北

順勢下趨禹時九河自當在德州以上河間數百里

之地考之於古驗之於今是亦可信也已

閻氏若璩曰余嘗往來燕齊西道河間東履清滄熟

訪九河故道蓋昔北流衡漳注之河既東徙漳自入

海安知北流之漳非古徒駭河歟踰漳而南清滄二

州之間有古河隄岸數重地皆沮洳沙鹵太史等河

當在其地滄州之南有大連澱西踰東光東至海此

非胡蘇河歟澱南至西無棣縣百餘里間有曰大河

曰沙河皆瀕古隄縣北地名八會口縣城南枕無棣

溝茲非簡絜等河歟東無棣縣北有陷河闊數里西



通德棣東至海茲非所謂鉤盤河歟濱州北有土傷  
河西踰德棣東至海茲非鬲津河歟土傷河最南比  
他河差狹是為鬲津無疑也此本夏彝仲之言蔡氏集傳乃曰  
自漢以來講求九河皆無依據祖王橫之言引碣石  
為證謂九河已淪於海余案禹貢文北過降水至於  
大陸又北播為九河同為逆河入於海大陸在邢趙  
深三州之地爾雅之廣阿澤也去海岸已數百里又  
東至海中始敘九河則大陸與九河相離千里如是  
之遠而絕無表志不合禹貢之文其不可信一也王  
橫謂海溢出浸數百里而青兗營平郡邑不間有漂  
沒之處而獨浸九河其不可信二也今平原迤北清  
滄之間雖為樹藝城邑相望而地形河勢高隱曲折  
往往可尋但禹初為九厥後或三或五遷變多寡不

同必欲按名而索故致後儒紛紛之論

胡氏渭曰漢時言九河以為不可考者平當云九河  
今皆實與墳同滅馮遂云九河今既滅難明王橫云九河  
之地已為海所漸是也然許商所言實有其地就三  
河推之其餘大概可知九河豈真湮滅無遺迹邪而  
近世學者又患求之太詳凡後人所鑿以通水而被  
新河以舊號者悉據以為禹之九河杜氏通典於許  
商所得之外又得其三鉤盤在景城郡界馬頰覆釜  
在平原郡界惟太史簡繫三河未詳處所而史記正  
義云簡在貝州歷亭縣界輿地廣記云簡繫在臨津  
金地理志云南皮縣有潔河明一統志云太史河在  
南皮縣北則此三河者亦皆犁然有其處所矣以漢  
人所不能知而一一臚列如此可信乎不可信乎蔡



傳云或新河而載以舊名或一地而互為兩說皆似是而非無所依據此言是也求九河者正不必尺寸皆合於禹之故道亦不必取足於九許商言自鬲以北至徒駭間相去二百餘里今河雖數移徙不離此域韓牧以為可略於禹貢九河處穿之縱不能為九但為四五宜有益此真通人之見知此者可與窮經可與治水矣

雷夏既澤澠沮會同

雖指傳曰雷夏澤名澠沮二水會同此澤正義曰地理志云雷澤在濟陰成陽縣西北渭案今山東兗州府曹州東北六十里有成陽故城北與東昌府濮州接界雷夏在曹之東北濮之東南史記云堯作游成陽舜漁於雷澤即此澠沮二水漢志無文括地志曰

雷夏澤在濮州雷澤縣郭外西北

通典雷澤縣本漢成陽縣元和志雷澤縣西北至濮

州九十里案北齊廢成陽隋復以其地置雷澤縣唐宋因之金又廢今曹州東北六十里故雷澤城是

澠沮二水在澤西

北平地和志曰澠水沮水二源俱出雷澤縣西北平地去縣十四里又曰雷夏澤在縣北郭外澠沮二水會同此澤與孔傳符矣

地理今釋雷夏今山東東昌府濮州東南有雷澤接曹州界水經注云雷澤在大成陽故城西北十餘里其陂東西二十餘里南北十五里即舜所漁也元和志澠水沮水俱出濮州雷澤縣西北平地去縣四十里九域志濮州有沮溝即禹貢澠沮會同是也宋時河決曹濮間澠沮源適當其衝久而泥滓填淤二水遂涸蔡傳乃欲以汜睢當之非是韓汝節云汜睢在豫徐之境無與於兗州而兗州自有澠沮也



浮于濟潔達于河

雖指傳曰濟潔兩水名正義曰地理志云潔水出東郡東武陽縣至樂安千乘縣入海過郡三行千二里其濟則下文具矣渭案今山東東昌府朝城縣西有東武陽故城青州府高苑縣北有千乘故城皆漢縣河謂南河之尾潔首受河處也孟子曰禹疏九河瀕濟潔皆在兗域而經於濟潔不言施功以貢道見之曰浮於濟潔則二水之治可知矣

地理今釋潔今山東東昌府朝城縣南有潔河濟南府禹城縣西二里有潔河一名源河俗又名土河東北入臨邑縣界案朝城漢之東武陽縣高苑漢之千乘縣禹城漢之高唐縣也蓋潔水本出高唐至千乘入海自禹導河至大伾始分河之一支史記禹疏二渠以引其河注其一則潔川

東北流首經東武陽至高唐合潔水自合潔水則高唐以南武陽以北之河皆被以潔名矣故漢志於平原郡高唐注則云潔水所出於東郡東武陽則云禹治潔水東北至千乘入海疏解潔水源流固自瞭然蔡傳未究斯旨又誤解程大昌此河乃漢河元非禹河之語竟不知潔水所在善乎陳師凱書傳旁通曰程氏之意非指潔為漢河蓋指潔入河處所受河水乃漢以後所徙頓邱之河非禹時澶相以北之河其潔水仍以東武陽為是也

胡氏渭曰兗州有古帝顓頊之虛杜預曰東郡濮陽縣故帝顓頊之虛故曰帝邱南觀有窮昆吾韋顧之封皆在焉春秋時可考者衛文公遷于帝邱邲南燕姑姓昨燕凡四國戰國時為衛魏宋齊趙五國地秦并天下置東郡碭郡東北境是齊郡北境是鉅鹿上谷二郡東境



是漢復置兗州領郡國八後漢魏晉並因之唐為河南道之

靈昌滑州濮陽濮濟陽濟東平鄆等郡河北道之清河

州魏郡魏博平博平原德樂安棣景城滄等郡案以

上通典所列有當往屬者東平之須昌鉅野宿城及

壽張之東境此為東原大野之地須昌宿城壽張三縣故城魯郡之

任城龔邱任城今為濟寧州及嘉祥縣之東境改屬徐濟陰之南

華在荷澤西今靈昌之匡城在南華西今改屬豫濟陽之長清

南府今屬濟及東阿之東境今東阿平陰之北境改屬青其南

境改屬徐也平陰側俗跨南又有當來屬者冀城信都郡

及鄴郡之內黃堯城臨河內黃堯城二縣故城並在今內汲郡

之黎陽東境其豫域則濟陰之乘氏也乘氏在荷澤以今

輿地言之河南衛輝府之昨城縣昨城本在河南自全明昌五

北直隸大名府唯滎縣之西境當屬冀及真定河間二府之

東南境當以漢時滑水故道為山東則東昌府其兗州府則

曹州陽穀壽張鄆城濟南青州二府則西北境當以漢

故道為界西北屬兗東南屬豫徐青皆古兗州域也

海岱惟青州

錐指傳曰東北據海西南距岱顏氏古師曰岱即太山

也渭秦成王賜太公履曰東至於海季札聞齊音曰

表東海者其太公乎齊潛王謂張儀曰齊僻陋隱居

東海之上是東據海也而傳兼言北楚子謂齊侯曰

君處北海蘇秦說齊王曰北有勃海蓋自今成山以

至樂安者是也故云東北據海然自朝鮮以至日照

皆青也所遺多矣專言東則固可該琅邪與朝鮮也

地理志岱在泰山郡博縣西北今山東濟南府泰安

州東南有博縣故城山在州北五里於故城為西北



也公羊傳曰越在岱陰齊蘇秦說齊王曰南有泰山  
史記曰泰山之陽則魯其陰則齊岱主南言與徐分  
界也而傳兼言西則岱不足以表其界蓋青西以濟  
為兗界齊語正封疆西至於濟其明徵也北自琅槐  
以西亦以濟為兗界故王莽改漢齊郡曰濟南而經  
不言濟者蒙兗濟河之文從可知也傳兼言西則欲  
密而反疏甚矣說經之難也 青之東境登萊二府  
之地斗入大海中東西長八九百里形如吐舌史記  
齊世家云齊自泰山屬之琅邪北被於海膏壤二千  
里蓋并登萊計之也海水自日照縣東與徐分界  
岱南與徐分界處嘗考齊長城故址而約略得之管  
子曰長城之陽魯也長城之陰齊也是春秋時已有  
長城矣竹書紀年曰梁惠成王二十年齊築防以為

長城城緣河徑泰山千餘里東至琅邪臺入海齊記  
曰齊宣王乘山嶺之上築長城東至海西至濟州千  
餘里水經注云濟水自臨邑縣東又北逕平陰城西  
京相璠曰平陰齊地在濟北盧縣故城西南十里今長  
西南二十五里有盧縣故城南有長城東至海西至濟河道所由名防  
門去平陰三里齊侯塹防門即此也其水引濟故瀆  
尚存又云朱虛縣泰山上有長城泰山東泰山也亦曰小泰山  
在臨朐縣南百里朱虛故城  
東西接岱山東連琅邪巨海千有餘里蓋田氏之所  
造括地志云長城西北起濟州平陰縣緣河歷泰山  
北岡上經濟州淄州東至密州琅邪臺入海臺在州治諸  
城縣東南百  
四十里琅元和志云故長城首起平陰北二十九里通  
典云盧縣有長城東至海蘇代說燕王曰齊有長城  
鉅防鉅防即防門也寰宇記云諸城縣南四十里有



長城東南自海也邈上大朱山盡州南界二百五十

里大朱山南距琅邪臺六十里今案齊長城橫絕泰山縣地千餘里自

平陰而東歷肥城在縣北長清在縣南泰安在州西北六十里萊蕪在縣北淄

川在縣南十五里臨朐在縣南又自穆陵關在大岷山上西接沂水縣界莒州在州北以

訖於諸城在縣南七十里皆有故址此雖後人所築然皆因岡

阜自然之勢為之禹時青徐分界亦必以此也青

西及北以濟為界鄭漁仲云不言濟者以兗州見之

也案水經注濟水自臨邑過平陰盧縣歷城臺縣梁

鄒臨濟安平樂安利縣至琅槐入海以今輿地言之

平陰長清齊河歷城界中之大清河及章邱鄒平常

山新城高苑博興樂安界中之小清河即漢時濟水

會汶入海之故道古青兗分界處也青之東北界

無可考疏云越海而有遼東之地恐未盡通典云青

州之界東跨海從岱山東歷密州東北經海曲萊州

越海分遼東樂浪三韓之地西抵遼水此說近是然

三韓地太遠而元菟不可遺竊疑漢武所開二郡皆

古嶠夷之地在青州之域者而三韓不與焉蓋嶠夷

義和之所宅朝鮮箕子之所封不應在化外先儒但

云有遼東非也漢書言東夷天性柔順異於三方之

外故孔子悼道不行設桴於海欲居九夷後漢書言

東夷率皆土著喜飲酒歌舞或冠弁衣錦器用俎豆

所謂中國失禮求之四夷者也觀其土俗則青之東

北界不止於遼東明矣史記秦始皇本紀云地東至

海暨朝鮮北據河為塞竝陰山至遼東朝鮮列傳云

自始全燕時略屬真番朝鮮為置吏築鄣塞秦滅燕

屬遼東外徼燕秦之所經略蓋禹貢嶠夷之地唐一



行所謂北戒山河抵恒山之右乃東循塞垣至滅貊  
朝鮮以限戎狄者是也 明遼東都指揮使司兼轄  
漢遼東西二郡之地都司城西四百二十里爲廣甯  
衛本遼東無慮縣也衛西幽州域衛東營州域都司  
城東至鴨綠江五百六十里與高麗分水太康地志  
云樂浪遂成縣有碣石長城所起通典云在今高麗  
舊界蓋卽蒙恬所築起臨洮至遼東者也東漢以來  
故阨湮沒都司城北至三萬衛三百三十里古肅慎  
氏地衛西有開元城金置會甯府號爲上京禹貢青  
州之北界當極於此衛東北距長白山千餘里其水  
北流爲混同江南流爲鴨綠江唐書東夷傳云高麗  
馬訾水出靺鞨之白山色若鴨頭卽此江也都司城  
南至旅順海口七百三十里去登州不遠順風揚帆

信宿可達明初遼東土子附山東鄉試後以渡海之  
艱改附順天猶周之并營於幽也

嶠夷既略

錐指傳曰嶠夷地名正義曰卽堯典宅嶠夷是也金  
氏曰青州實跨海而有東夷兼堯命羲和宅嶠夷以  
候正東之景故特表於前

濰淄其道

錐指傳曰濰淄二水復其故道正義曰地理志云濰  
水出琅邪箕屋山山見說文切志無之此誤增北至都昌縣入海過郡  
三行五百二十里淄水出泰山萊蕪縣原山東北至  
博昌縣入海今漢書本作入泲渭案都昌屬北海郡博昌屬千  
乘郡今山東青州府莒州東有箕縣故城益都縣西  
南有萊蕪故城博興縣東南有博昌故城萊州府昌



邑縣西有都昌故城皆漢縣也

日知錄顧氏炎武曰濰水出琅邪郡箕屋山

在今莒州西北九十里

書禹貢濰淄其道左傳襄公十八年晉師東侵及濰是也其字或省水作維或省糸作淮又或从心作惟

總是一字

地理今釋淄水出今青州府益都縣西南顏神鎮東南二十五里岳陽山即原山也其山接濟南府章邱淄川萊蕪三縣淄水出於山之東谷東北流至青州府壽光縣北由清水泊入海禹時淄水入海不入濟水經注敘述甚明史記河渠書亦云禹治水之後於齊則通菑濟之間是二水不通可知蔡氏因漢書淄水入沛一語云淄水東入濟非是

萊夷作牧

雖指顏氏曰萊夷萊山之夷也林氏曰史記齊世家太公東就國萊夷來伐與之爭營邱左傳夾谷之會萊人欲以兵劫魯侯孔子曰兩君合好而裔夷之俘以兵亂之萊之為夷無疑矣先儒但以爲地名非也渭案今萊州登州二府皆禹貢萊夷之地

浮于汶達于濟

雖指正義曰地理志云汶水出泰山萊蕪縣原山西南入濟渭案此經蒙充之文曰達於濟則由漯以入河可知矣其東北境徑浮濟不必從汶也 以今輿地言之汶水自萊蕪歷泰安肥城甯陽至東平入濟合流以注於海此禹迹也迨元人引汶絕濟爲會通河明永樂中又築戴村壩遏汶水盡出南旺以資運而安山入濟之故道填淤久矣



地理今釋汶水出今山東濟南府萊蕪縣其源非一合流於泰安州之靜安鎮謂之大汶又有小汶出新泰縣宮山之下至徂徠山南入大汶水經注有牟汶北汶柴汶汶水舊由安民亭合濟水東北入海自明永樂九年於東平州東六十里築戴村壩盡遏汶水出南旺南北分流南流達於濟甯州會沂泗諸水入淮者十之四北流達於臨清州會漳衛諸水入海者十之六矣胡氏渭曰青州有古爽鳩氏之虛為季崩有逢伯陵蒲姑氏之所因及斟灌斟尋寒過之封皆在焉春秋時可考者齊紀譚州夷介萊凡七國戰國時為齊燕二國地秦并天下置齊郡琅邪東境是遼東漢復置青州領郡國六後漢魏竝因之領郡國五晉分置平州青州領郡國六平州領郡國五後改曰幽州唐為河南道之北海青州濟南齊淄川淄高密密

東萊萊東牟牟等郡河北道之安東都護府案以上通典所列高密之莒縣及諸城之南境當往屬徐又有當來屬者竟域濟陽之盧縣及東阿之東境後漢穀城縣地平陰之北境徐域魯郡乾封萊蕪之北境是也在濟東者即今東阿縣以今輿地言之山東登州萊州二府其青州府則益都臨淄昌樂安邱壽光臨朐及諸城高苑博興樂安之南境濟南府則肥城長清歷城章邱鄒平長山新城淄川及泰安萊蕪之北境兗州府則唯東阿及平陰之北境三府之地南以齊長城故址與徐分界西及北以漢時濟水故道與兗分界其東北跨海為故遼東都司之東境及朝鮮國皆古青州域也右禹貢冀兗青三州



五禮通考卷第二百一

五禮通考

卷二十一



